

T 558/8438

THE CHINESE-JAPANESE LIBRARY  
OF THE HARVARD-YENCHING INSTITUTE  
AT HARVARD UNIVERSITY

MAR 1 1954

11

Harvard College Library Imaging Services <http://imaging.harvard.edu>

CM	0	1	2	3	4	5	6	7	8	9	10	11	12	13	14	15	16	17
Lab D50 2°	95/0/2	81/0/0	66/0/0	51/0/1	35/0/0	20/0/0	29/19/-54	55/-39/33	42/57/29	82/4/79	51/50/-13	50/-28/-29						
	38/14/16	66/16/18	50/-5/-22	43/-14/21	55/-9/-25	71/-32/0	62/34/60	40/9/-43	52/48/17	31/21/-21	72/-23/57	73/19/68						



禮經傳內編卷十九

哈佛大學哈佛葉宗圖書館藏

姜兆錫註疏參義

大夫少牢饋食禮上

此少牢饋食禮本一篇以簡重分為上下舊以徹俎前為少

牢饋食而以其下別名為有司徹者非○注曰少牢饋食之禮此諸侯之卿大夫祭其祖禰于廟之禮也疏曰按曲禮大夫以索牛謂天子之卿大夫用太牢也則此用少牢是諸侯之卿大夫賓尸是上大夫卿而不賓尸是下大夫可知也

大夫少牢饋食之禮曰用丁巳筮甸有一日

○注曰禮將祭必先少去聲巳音紀注同

擇牲繫于牢而芻之牛羊豕具曰太牢有羊豕無牛故曰少牢也內事用柔日必丁巳者取其自丁寧自變改之義故必先取此日明日乃筮也甸十日也以先月下甸之巳筮來月上旬之巳疏曰按周禮地官充人職云掌繫祭祀之牲於祀五帝則繫于牢而芻之三月享先王亦如之注云牢謂也必有閑者防禽觸鬻也芻養也必三月者一時節氣成也楚語云諸侯卿大夫雖不得三月亦皆有養牲之法故云也牛羊曰芻犬豕曰豢地官槁人職云掌豢祭祀之犬樂記云豢豕作酒是也豕豕具曰少牢牛羊豕具曰太牢豕亦有牢稱詩公劉云執豕于牢下經云上利升牢心舌是豕亦稱牢但非一牲即得牢稱若一牲即不得牢稱故郊特牲與士



特牲者不言牢也按曲禮外事以剛日內事以柔日內事謂冠婚  
祭禮之屬外事謂征伐巡守之屬甲丙戌庚壬皆為剛日乙丁巳  
辛癸皆為柔日必先諏日明日乃筮者舉事尚且不可今日謀日  
則筮也云下甸之巳上甸之巳據用巳一日而言若用丁則言下  
甸丁筮上甸丁若丁巳之外乙辛癸等皆然必言筮于廟門之外  
來月主甸不用中甸下甸者吉事先近日故也  
主人朝服西面于門東朝服亦祭服也○疏曰主人西面于門東者此為將筮故西面也若下文為期于廟  
門外主人門東南面注云主人不西面者大夫尊于諸官有君道  
也主人必朝服者為祭而筮還服祭服上篇特牲筮日服祭服之  
玄端即天子諸侯為祭上筮亦當服祭服之冕服司服云享先王  
則衮冕祭義云易抱龜南面天子衮冕是也若為他事上筮則異  
于此冠皮弁衣素積百王同之也史朝服左執筮右抽上犢兼與筮執之東面受

命于主人主人曰孝孫某來日丁亥用薦歲事于皇祖伯某以某

妃配某氏尚饗史主筮事者丁不必亥舉一日言之耳薦進也進

叔某季某也以猶與也某妃配猶言某妻某氏若言姜氏子氏也  
餘詳特牲○注曰丁不必亥也大戴禮禘于太廟禮曰不得丁亥

則巳亥若辛亥亦用之無則苟有亥焉可也伯某字也大夫或以  
字為諡魯無駭卒請諡與氏公命以字為展氏是也某妃某妻也  
合食日配疏曰史家臣主筮事者雜記大夫士筮史練冠長衣是  
也日有十辰有十二以五剛日配六陽辰以五柔日配六陰辰若  
甲子乙丑至壬戌亥之類是也柔日不必丁亥經云丁亥者各  
日不能具載舉一日以丁當亥者而言也禘于太廟以下大戴禮  
文若上甸之內不得丁若己以配亥故苟有亥即用之又或無亥  
以配日則餘陰辰亦可用春秋宣八年經書辛巳有事于太廟文  
二年經書八月丁卯大事于太廟昭十五年經書二月癸酉有事  
于武宮桓十四年乙巳嘗皆是陰陽式法亥為天倉祭祀求福宜  
稼于田故先取亥無亥乃用餘辰也經云伯某是正祭之稱也若  
時有告請及非常祭祀則去伯直稱字聘禮賜饗奠餼筮一尸若  
昭若穆稱孝孫某薦嘉禮于皇祖某甫士虞記云適爾皇祖某甫  
皆是也若卿大夫無諡祭與非祭皆字在子士稱某子士祭禮同  
特牲禮稱皇考某子聘禮記云皇考某子是也愚按伯某合當為  
字若如注兼言諡則當言某伯如武伯文仲莊叔成季之類不得  
伯在某上况所引以展為氏乃是族又不得以族為諡乎以某妃  
配某氏注義亦未盡如言合食日配則以字當為用字之解而其  
文當云以某妃某氏配不得言以某妃配某氏云以某妃配某氏  
者妃配二字連文妻有敵體之義故云某妃配而以字訓為與字



則配食之義固具其中矣。至妻而云某注亦未發其義。程子嘗言主祭是繼妻所出則以繼妻配可也。朱子廣其義曰主祭是繼出則可兼以繼配非謂舍正而配以繼也。今以程朱二子之義參之蓋妻云某者無繼則止言正妻有繼則兼言繼妻與達禮者詳之

史曰諾西面于門西抽下鞶左執筮右兼執鞶以擊筮遂述命曰

假爾大筮有常孝孫某來日丁亥用薦歲事于皇祖伯某以某妃

配某氏尚饗。述命以主人之辭告筮也。假借也。借著靈以問吉凶也。有常謂吉凶之占繇也。○注曰擊之以動其神也。

易曰著之德圓而神。疏曰執筮擊筮之筮皆謂著也。以其用著為筮因名為筮也。兼執鞶者上文用右手抽上鞶此又用右手抽下鞶是兼執之也。引易曰著之德圓而神者著形圓而可以立變化之數故也。遂述命者史既受主人命乃右還向闕外西向述命辭也。此命筮與述命同一辭而士喪禮上葬日不述命若述命即與命龜異辭者注云龜重威儀多筮輕威儀少也。有常者吉凶之占繇若應凶告吉應吉告凶則不常而龜之繇辭以占龜易之爻辭以占著則皆有常也。

左坐卦以木。釋放也。上木以畫卦下木以書卦。卒筮乃書卦于木。注曰卿大夫之著長五尺立筮便。

示主人乃退。見特。占吉則史鞶筮。鞶筮收筮于鞶也。特牲亦當然。史兼筮與鞶以

告于主人占曰從。疏曰主人本以求吉今乃官戒宗人命條宰命為酒乃退。注曰戒者戒諸官使具其物且齋也。若不吉則及遠日又誓如初。及其日

右筮曰。宿。此宿通謂前宿一日宿戒尸。注曰宿諸官先宿尸者重尸又為再宿故云重尸也。並言宿戒者前十日曰戒前宿一日曰宿戒若單言戒嫌同十日若單言宿嫌同一日故宿戒並言也。

右宿戒口。明日朝筮尸如筮日之禮命曰孝孫某來日丁亥用薦歲事于皇

祖伯某以某妃配某氏以某之某為尸尚饗筮卦占如初。上不言

言卦占如初互文也則上不嫌闕文矣。○注曰不前期三日筮尸者大夫下人君祭之朝乃視濯與士異也。疏曰特牲注云某之某

言卦占如初互文也則上不嫌闕文矣。○注曰不前期三日筮尸者大夫下人君祭之朝乃視濯與士異也。疏曰特牲注云某之某



字尸父而名尸也。按曲禮父在不為尸。注云為其失子道也。然則凡為尸者父皆沒矣。父沒當諱其名。故上某是尸之父之字。下某是尸之名。父不稱名是尊鬼神也。特牲禮云前祭三日筮尸。此前一曰筮尸者王侯前十日。卜日得吉則戒。諸官散齊至前三日。卜尸得吉。又戒宿。諸官致齊。所謂散齊七日。致齋三日也。士卑不嫌得與人君同。三日筮尸致齊。但不散齊七日耳。大夫尊嫌與人君同。直散齊九日。前祭一日筮尸。并宿。諸官致齊也。大夫祭之朝。乃視濯與士異者。人君祭前一日視濯。士卑不嫌與君同。大夫尊不敢與君同。故與士異也。與士異亦是人君互文為義也。吉則乃遂宿尸祝擯。注曰筮吉又宿擯者尸神象也。既宿尸乃宿。諸官及執事。疏曰前筮尸皆主人出命。此宿尸使祝擯者以尸是神象故也。按特牲使宗人擯。雖祝致命。此惟祝擯者。士卑不嫌。兩有宗祝與人君同。大夫尊。下人君故闕之。又此尸不言出門面位。按特牲主人宿尸。門外北面。尸出門左。西面。注云士尸。卑不敢南面。當尊也。則主人再拜稽首。祝告曰。大夫之尸尊。尸出門南面。不在門西也。主人再拜稽首。祝告曰。孝孫某來日丁亥。用薦歲事于皇祖。伯某以某妃配某氏。敢宿。再拜稽首。將告尸。尸拜許諾。主人又再拜稽首。主人退。尸送揖不拜。再拜以事尊之也。

拜稽首。彌尊之也。尸但拜送。又但揖者。尸尊也。疏曰。凡賓主之禮。賓去主人皆拜送。今尸揖不拜者。尊故也。若不吉則遂改筮尸。

右筮宿尸

既宿尸。反為期于廟門之外。主人門東南面。宗人朝服北面。曰。請

祭期。主人曰。比于子。比毗志反。○注曰為期亦夕時也。既宿尸。反

而已。其宿賓則使人宿之。故也。主人不西面者。大夫尊于諸官。有君道也。比次也。次早晏在于子也。疏曰。特牲云。厥明夕。陳鼎于門外。又云。請期曰。羹飪。其請期是夕時。則此大夫禮為期亦夕時也。大夫尊于諸官。有君道。對特牲饋食禮。士卑。其于屬吏無君道。而言也。宗人曰。旦明行事。主人曰。諾。乃退。且明猶言質明也。

右請祭期

明日主人朝服。即位于廟門之外。東方南向。宰宗人西面北上。宗



人監諸 牲北而東上 司馬到羊 司士擊豕 宗人告備 乃退 到苦圭反。○注

曰判擊皆謂殺之也。既省告備乃殺之文互者省文也。疏曰按特牲視牲與視殺別日。今少牢不言宿視牲直合言判若擊末更約言告備乃退者皆省文也。又祭義君率牲穆答君卿大夫序從既入門麗于碑卿大夫祖而毛牛尚耳彼諸侯禮殺于門內此大夫少牢與士特牲皆殺于門外者辟人君也。判若擊皆謂殺之者豕言擊動之使鳴耳是視牲也。年言判則殺之矣。故云文互者省文也。愚按周禮宿視牲至祭旦而後視殺者君體尊故以兩日行之也。士卑于君無嫌得與君同兩日而大夫近君有嫌則避君而不得與君之兩日者同矣。歷考諸禮皆然而記禮器所謂順而據者蓋如此。注疏但言省文互文非也。學者詳之。 **雍人概鼎**

**匕俎于雍爨雍爨在門東南北上廩人概甒甒匕與敦于廩爨廩**

**爨在雍爨之北** 雍饗同概音愛甒音彥敦音對。○周禮雍人掌割

統于主人也北上者羊豕魚腊皆有爨以北為上也凡概者皆先陳之而後告潔也。廩人掌米入之藏甒甒以烝黍稷匕以上之也。餘見特牲。○注曰甒如甒一孔疏曰按攷工記陶人職甒實二甒厚半寸脣寸甒實二甒厚半寸脣寸匕案注云甒無底甒也故注

以一孔解之上雍人匕以 **司宮概豆籩勺爵觚觶凡洗篚于東堂**

**下勺爵觚觶實于篚** 注曰司宮兼掌祭器大夫攝官故也疏曰按

北而告濯具注云不言滌以有凡席也凡席不概也則凡洗篚三者不概而并言概者以其同列于東堂下故繼觚觶連言之也按下文司宮自筵神席于奧而此又掌豆籩等故云攝官按內則注云諸侯對天子則天子備六卿不兼而諸侯止三卿則兼大夫對諸侯則諸侯具官不攝而大夫不具官乃攝也愚按概通作漑滌也一日拭也凡席等雖不滌漑亦自拂拭致潔疏謂凡洗篚三者不概其 **卒概饌豆籩與篚于房中放于西方** 注曰放猶依也 **設洗于阼階** 說恐非

**東南當東榮** 見巳

**右視殺暨視概**

**羹定雍人陳鼎五三鼎在羊鑊之西二鼎在豕鑊之西** 注曰各在

腊從羊膚從豕統于牲也疏曰上文概鼎注云羊豕魚腊皆有竈竈各有鑊今陳鼎宜各當其鑊而三鼎在羊鑊之西二鼎在豕鑊



之西者是魚腊從羊膚從豕也上文直言雍饗此直言羊鑊豕鑊何知魚腊皆有鑊按士虞禮側享于廟門外之右魚腊饗在其南有鑊即有鑊士禮皆有鑊鑊則大夫可知也司馬升羊右胖髀不升肩臂臠膊骼正

脊一脰脊一橫脊一短脅一正脅一代脅一皆二骨以並臠三胃

三舉肺一祭肺三實于一鼎臠音判今文並皆為併○升猶上也上右胖周所貴也髀不升近竅賤也

肩臂臠皆肱骨膊骼皆股骨脊從前為正脅旁中為正脊先其前脅先其後屈而反猶器之絰也並併也脊脅骨多六體各取二骨併之以多為貴也舉肺一尸食所先舉也祭肺三為尸若主人主婦也疏曰十一體之中五體不言一而六體言一者以其體下言皆二骨以並見一體皆有二骨而二骨共為一體也脊先前即正脊是也脅先後即短脅是也特牲記尸俎有正脊橫脊而無脰脊有長脅短脅而無代脅注云脊無中脅無前貶也明代脅最在前也脊以前為正其次各脰却後各橫脰者脰脰然直也橫者濶于脰也凡皆隨形名之唯言正者以義取稱也注言絰者專指脅脊不數肩膊也若尸舉牲之全體則脅肩膊為絰故特牲注云舉先正脊後肩自上而卻下絰而前終始之次也凡絰則不見尊卑見尊卑復不得見絰按下注升以尊卑而此注云絰者牲體四支為

貴故先序肩臂臠膊骼于上是尊後序脊脅于下是卑但其次應先正脅而先言短脅乃取絰之義也祭肺之貴乃序在下者腸胃肺在內不與外體為尊卑之次當自為先後之次也肩臂以下皆言一其下總言皆二骨以並者據脊骨脅骨多故六體各取二骨特牲記肩臂臠膊骼下歷序脊脅二骨亦此也司士升豕右胖髀不升肩臂臠膊骼正脊

一脰脊一橫脊一短脅一正脅一代脅一皆二骨以並舉肺一祭

肺三實于一鼎雍人倫膚九實于一鼎注曰豕無腸胃君子不食

也擇之取其美也疏曰君子不食溷腴禮記少儀文溷豢同彼注云腴有似于人穢樂記注云殺食犬豕曰豢是以似也知脅革肉者下文云膚九而俎亦橫載革順故知膚是脅革肉也愚按倫倫理也以脅革肉有倫理而名周人貴骨近脅骨故用之其脅下膚俗稱軟腴不近脅骨不用也司士又升魚腊魚十有五而鼎腊一注疏謂倫為擇取之義始非

純而鼎腊用麋注曰司士又升魚腊謂副俸也合升左右胖曰純純猶全也疏曰云副俸者見此司士升魚腊與上

司士升豕者別也按下云司士三人升魚腊膚則此升豕魚腊亦宜三人又凡升鼎宜同時明升魚腊非升豕者可知夏官諸子職



掌國子之倅注云是公卿大夫之副貳則此云倅亦副之別名也 卒爵皆設局幕乃舉陳鼎于席

門之外東方北而北上香之承反幕音密○注曰鄉內相隨也司宮尊兩甒于

房戶之間同櫛皆有幕甒有玄酒甒音武○注曰房戶之間者房西室戶東也櫛者禁無足也禁

者酒戒也大夫去足改各櫛優尊者若不為之戒然疏曰特牲用櫛仍云禁此改名曰櫛若不為戒是優尊也其鄉飲酒是大夫禮

猶各斯禁者飲司宮設罍水于洗東有料設篚于洗西南肆料音主○

注曰料罍水器也凡設水用罍沃盥用料疏曰設水用罍沃盥用料言凡者總儀禮內凡用水者皆須罍盛之凡沃盥水者皆用料

為之也士冠禮士昏禮皆直言水在洗東鄉飲酒特牲記亦云然皆不言罍器亦不言有料其燕禮大射云罍水亦不言有料也故

注總云凡以見改饌豆籩于房中南面如饋之設實豆籩之實注曰其餘文不具也

改更也為實之而更之威儀多也如饋之設如其陳之左右而設東面也疏曰前司宮概豆籩訖饌豆籩放于西方今欲實之乃更

設豆籩于房中南面如饋之禮東面設然也此大夫禮威儀多若特牲士禮視濯時豆籩劍在東房至實豆籩時直云豆籩劍陳于

房中如初云如初者取而實之既而反之小祝設槃匱與篚巾于不改其處因而實之矣是士禮威儀畧也

西階東周禮小祝大祝之屬也○注曰設者為尸將盥也疏曰按

其禮直云尸盥匱水實于槃中篚巾在門內之右不言其人未聞也知彼非祝者彼下文始言祝筵几

于室中注云至此使祝接神則前非祝可知也

右實鼎豆籩主人朝服卽位于阼階東西面為將祭也司宮筵于奧祝設几于筵上

右之注曰筵几者陳神坐也室中西南隅謂之奧席東西近南為

也司宮設席祝設主人出迎鼎除鼈士盥舉鼎主人先入注曰先

几大夫官多故也主人及賓盥舉而言也大夫尊不舉故不盥司宮取二勺于篚洗

之兼執以升乃啟二尊之蓋罍奠于櫛上加二勺于尊覆之南柄

注曰二尊兩甒也疏曰二尊卽上司宮尊兩甒于房戶之間是也兩尊用二勺者玄酒雖有不酌重古禮如酌者然也 鼎序

義豐少牢



入雍正執一匕以從雍府執四匕以從司士合執二俎以從司士贊者二人皆合執二俎以相從入。相去聲○相助也注詳下篇陳鼎于東方當

序南于洗西皆西函北上膚為下匕皆加于鼎東枋。枋彼命反○注曰膚為下

以其加也南于洗西陳于洗西南也疏曰門外陳鼎不言膚為下至此別之者膚者豕之實前陳鼎在門外據鼎所陳膚在魚上今

將載于俎設之最在後故須別之也羊無別俎而豕有膚俎故謂之加而以加為下洗當東榮近東也其陳鼎當東序則近西也

而言南于洗西則鼎陳于洗西俎皆設于鼎西西肆所俎在羊俎稍近南不得東西與洗相當也

之北亦西肆。所音祈○俎皆設鼎西詳見下篇○注曰所俎在北將先載也異其設不當鼎也疏曰羊俎在羊鼎西今

設所俎在羊俎北不繼鼎明不當鼎也若繼鼎即在鼎西矣宗人遣賓就主人皆盥于洗長杙

長丁丈反○長賓長也長賓先杙次賓繼之主人不杙而言就主人者明親臨之也佐食上利升牢心舌載

于所俎心皆安下切上午割勿沒其載于所俎末在上舌皆切本

末亦午割勿沒其載于所橫之皆如初為之于爨也。注曰牢謂羊豕也安平也

平割其下于載便也凡割木末食必正也午割使可絕也勿沒為其散也所之言敬所以敬尸也周禮祭尚肺事尸尚心舌今文切

皆為刊疏曰云皆者羊豕皆有心舌也按特牲記云所俎心舌皆去本末午割之實于牲鼎載心立舌縮俎凡初爨未入鼎之時已

然雖出爨亦皆如初也孔子割不正不食鄉黨篇文所之言敬以敬尸也郊特牲文禮記明堂位云虞祭首夏祭心殷祭肝周祭肺

而此所俎不取肺而用心者特牲記注云心舌知食味欲尸饗此祭是以進之也愚按周雖尚肺而心舌亦所重故進之特牲記注

之解何陋耶二者體味異不雜亂未升鼎時已午割勿沒至載俎乃言者蓋因言其上下縱橫而補其文耳佐食遷所

俎于阼階西西縮乃反。西云縮謂橫也凡東西為橫南北為縱佐食二人止利升羊

載右胖鬯不升肩臂臑膊骼正脊一脰脊一橫脊一短脊一正脊一代脅一皆二骨以並腸三胃三長皆及俎拒舉肺一長終肺祭

肺三皆切肩臂臑膊骼在兩端脊脊肺肩在上。實鼎曰升實俎曰載今實俎合言載



亦言升者散文通也。○注曰：拒讀如左傳邱氏金距之距，俎距脛中當橫節也。凡牲體之數及載備于此矣。疏曰：經所載羊豕牲體多少，一依上章升鼎不異，而重序各體者，恐載俎與入鼎有異，故重序之也。舉肺一，祭肺三，升鼎時亦已言之，但入鼎時恐二肺雜亂未及制，故不言長短。至此俎乃制長短及切之矣。故具辯之也。按明堂位云：俎有虞氏以椀，夏后氏以巖，殷以棋，周以房。俎注云：椀，斷木為四足而已。巖之言蹙也。謂中足為橫距之象。周禮謂之距，彼注云：周禮謂之距者，即指此俎距而言。是距為俎足中央橫者也。故言脛中當橫節也。按此前體肩臂臚兩廂為六，後體膊髀兩廂為四，短脅正脅代脅兩廂為六，脊有三，總十九體。通二殼為二十一體，而二殼正祭不薦于神尸，故不言。是牲體之數備于此也。上云：升于鼎，此云：載于俎，是又載備于此也。愚按：五者在兩端，明脊脅肺在中也，而此五者，下利升豕，其載如羊，無腸胃。升豕但肩又在兩端之上，故明之。胃為腥，體其載于俎，皆進下。下，末也。此總言羊豕也。○注曰：鄉飲餘皆同。酒進腠，此進下者，變于食生也。檀弓云：交于神明，不敢以食道敬之至也。羊次其體，而豕言進下，互相見也。疏曰：按公食大夫鄉飲酒，牲體皆進腠，腠為本，是食生人之法。此進下，下為終，是食鬼神之法也。云：羊次其體，即上文上利升羊以下也。羊次其體，亦進下，豕進下，亦次其體，是互相見也。愚按

二句本總言羊豕也。注疏單作言豕，故有互見之說。司士三人升魚，腊膚魚用鮒，十有五而

俎，縮載，右首進腠。鮒音附。○縮，直也。于神與人為橫。于俎為縮也。右，西也。○注曰：進腠，亦變于食生也。有司徹載

魚橫之，少儀云：羞濡魚者，進尾。疏曰：云進腠，變于食生者，凡載魚為生人，右首而進，鱗為鬼神，右首而進，腠為腹，是氣之所聚，鬼神尚氣，此文魚十五而俎，縮載右首進腠，是也。鱗為脊，是味之所鍾，生人尚味，公食大夫魚七縮，俎寢右。注云：寢右，進鱗也。是也。首皆右者，陳設在地，地道尊右也。又引有司徹載魚橫之，少儀羞儒魚進尾者，見饋尸與正祭禮又異也。此是士正祭之禮，縮載于俎，故進腠。若有司徹是上大夫，繹祭饋尸之禮，乾魚橫于俎，宜進首。若少儀又王諸侯，繹祭饋尸之禮，乾濕皆有乾魚，宜進首。鮮魚宜進尾也。腊一純而俎，亦進下，肩在上。之體載禮在此。疏曰：諸經唯有腊文，無升載之。膚九而俎，亦橫載。革順。橫載亦如載舌，革順者，列法唯此有之。曰：上牲體橫載，文不明，故舉膚亦橫載以明之。愚按：膚橫承載，舌橫之，故言亦疏說非是。

右舉鼎七載



卒晉祝盥于洗升自西階主人盥升自阼階祝先入南面主人從

戶內西面將納祭也主婦被錫衣侈袂薦自東房韭菹醢醢坐奠

于庭前主婦贊者一人亦被錫衣侈袂執葵菹羸醢以授主婦主

婦不興遂受陪設于東韭菹在南葵菹在北主婦興入于房被錫

讀為蓋剔賤者之髮以被婦人之紒為飾因各髮髮此周禮所謂

次與士妻纒笄殊也後者蓋半士妻之袂以益之袂三尺三寸

亦豐大夫禮也韭菹南葵菹北淨次之也疏曰贊者一人被錫侈

袂與主婦同則其餘不得如主婦者當與士妻同纒笄納衣也凡

婦服皆纒笄納衣以下更無服服窮則同故特牲云凡婦人助祭

者同服是也被錫讀為髮鬢者見鬢取人髮為之之義哀公十七

年左傳衛莊公登城望戎州見已氏之妻髮美使髡之以為呂姜

鬢是也按周禮追師掌王后以下副編次之事服三翟者首服副

服鞠衣檀衣者首服編服祿衣者首服次此大夫妻尊髮鬢而不

纒笄若特牲禮主婦纒笄士妻卑故也又如特牲士妻衣納衣其

袂二尺二寸袂尺二寸此亦大夫妻尊故三分益一袂三尺三寸

而袂尺八寸也周禮醢人職韭菹醢醢昌本麋醬菁菹鹿麋菹菹

麋醬為天子朝事之八豆今大夫取二豆為饋食用之是豐大夫

若葵菹羸醢醢天子饋食中之二豆今大夫取二豆用之饋食用當

其節非豐也韭菹在南醢醢在北今于其東葵菹在北而羸醢在

南是淨次之矣佐食上利執羊俎下利執豕俎司士三人執魚腊膚俎序

升自西階相從入設俎羊在豆東豕亞其北魚在羊東腊在豕東

特膚當俎北端相即上章司主婦自東房執一金敦黍有蓋坐設

于羊俎之南婦贊者執敦稷以授主婦主婦興受坐設于魚俎南

又興受贊者敦黍坐設于稷南又興受贊者敦稷坐設于黍南敦

皆南首主婦興入于房注曰敦有首者器飾也飾蓋象龜周禮飾

入于房疏曰經云敦南首明象龜獸之形知象龜者以蓋形龜象

故也按周禮梓人職外骨內骨以脰鳴者以胷鳴者之類注云刻

畫祭器博庶物也司尊彝職又有雞彝鳥彝之類是周禮飾器各

義豐少牢

卷十七



之八簋周禮舍人注云圓有簋孝經注云外方曰簋孝祝酌奠遂

命佐食啟會佐食啟會蓋二以重設于敦南會音怪重平聲下同

奠之也後酌者酒尊要其成也特性饋食禮祝洗酌奠奠于銅南

是也二以重累之也疏曰迎尸之前將為陰厭故云為神奠之酒

為尊者設饌由尊者成故後設之也二以重主人西向祝在左主

人再拜稽首祝祝曰孝孫某敢用柔毛剛鬣嘉薦普淖用薦歲事

于皇祖伯某以某妃配某氏尚饗主人又再拜稽首祝曰之祝之

反淖女孝反○注曰羊曰柔毛豕曰剛鬣嘉薦謂菹醢普淖謂黍

稷普大淖和也德能大和乃茂黍稷春秋傳奉盛以告曰潔粢豐

盛謂其三時不害而民和平豐也是也疏曰羊曰柔毛豕曰剛鬣

曲禮文羊肥則毛柔豕肥則鬣剛也引春秋傳証黍稷大和之義

左桓六年隨大夫李梁辭也

右升奠陰厭

祝出迎尸于廟門之外主人降立于阼階東西面祝先入門右尸

入門左注曰主人不出迎尸伸尊也特性饋食禮尸入主人及賓

皆避位出亦如之祝入門右者避尸也既則後尸疏曰

禮記云君迎牲而不迎尸別嫌也尸在廟門外則疑于臣在廟中

則全于君故主人皆不出迎尸以伸尊也尸出入主人與賓皆遠

巡降避敬尸也祝先入既則後尸者下文祝延尸宗人奉槃東面

尸升自西階入祝從注云由後詔相之曰延是也

于庭南一宗人奉匱水西向于槃東一宗人奉篋巾南面于槃北

乃沃尸盥于槃上卒盥坐奠篋取巾興振之三以授尸巾奉芳勇

反○注曰庭南沒雷也疏曰庭近南沒盡門之屋雷

近門而盥也特牲云尸入門北面盥即此也祝延尸尸升自西階

入祝從主人升自阼階祝先入主人從注曰由後詔相之曰延延



尸答拜遂坐。祝反南面。拜受尸者，拜之使安坐也。○注曰：主人由祝後而居右，尊尊也在左者，祝從尸。尸即席，乃卻居主人左也。答拜遂坐，明其間不啐奠，不當劍，不告旨。大夫之禮，尸彌尊也。祝反，未有事也。疏曰：上文祝在尸後，主人前及尸，即筵，主人與祝皆西面，則祝卻居主人左者，主人尊故也。按特牲，尸啐酒，告旨，主人拜，尸答拜，祭劍嘗之，告旨，乃坐。此云答拜遂坐，以其間不啐奠，不當劍，不告旨也。特牲嘗劍，謂嘗豕劍，此亦謂不當豕劍。以下文別云嘗羊劍也。既不啐奠，故不告旨。為初不饗也。特牲禮，主人拜受尸，尸答拜，執奠，祝饗。注云：饗，勸強之也。士賤不嫌得與人君同。大夫尊，嫌同人君，故初不饗，後亦不啐奠，告旨也。

### 右迎尸安坐

尸取韭菹，辯換于三豆，祭于豆間。換如悅反。劉氏而誰反。○三豆，韭菹以外三豆也。此尸自取以

祭也。上佐食取黍稷于四敦，下佐食取牢一切肺于俎，以授上佐食。

上佐食兼與黍以授尸，尸同受祭于豆祭。牢一切肺兼謂羊豕切，肺各一也。此佐食送臯

以授祭而尸同祭也。注疏見下。上佐食舉尸牢肺正脊以授尸，上佐食爾上敦黍

于筵，上右之。重言上佐食，明非上下代也。凡言牢皆兼謂羊豕也。此又連舉以授食也。○注曰：黍稷之祭為墮祭，將食

神餘尊而祭之也。爾之言近，移而近之也。右之者，尸在右，便尸食也。疏曰：肺與黍稷俱得為墮。周禮守祧職，既祭則藏其墮。墮中兼肺與黍稷可知。陰厭是神食，尸乃餽神之餘，故尸亦尊神而祭之也。曲禮云：飯黍毋以箸。蓋古者飯食不用匙箸，故移于爾，以便食也。不云稷者，主人羞所俎，升自阼階，置于膚北。獨此主人羞之者，文不具也。敬且以備所加也。

上佐食羞兩劍，取一羊劍于房中，坐設于韭菹之南，下

佐食又取一豕劍于房中，以從上佐食受，坐設于羊劍之南，皆芼

皆有柶。芼音帽，柶音四，扱初洽反。○此又佐食送舉以祭與食也。○注曰：羞進所敬也。親進之者，敬君之加也。芼菜也。羊用

苦豕用薇，疏曰：郊特牲，訓所為敬，故云敬以所俎為尸，特加故云加也。特牲三俎，膚從豕俎，故所居在腊北。此五俎，膚自為一俎，故所居在膚北也。菜是地之芼，羊用苦豕用薇，公食大夫記云：銅芼，牛藿，羊苦豕薇，皆有滑是也。尸扱以柶祭，羊劍遂



以祭豕劓嘗羊劓食舉三飯

此尸祭且食始三飯也。注曰：舉謂牢肺正脊也。先飲啗之以為道也。三

飯食以黍也。疏曰：此食舉在羞所之下。特牲食舉在羞所之上。不同者，特牲食舉後尸即啐幹之屬，故食舉乃即進所是正也。此食舉在羞所之下，由主人敬尸，故先羞所也。特牲爾敦下設大羹，此不言羹者，大羹不為神，直是為尸，故此不言羹至饋尸乃言羹也。知舉為牢肺正脊者，上文上佐食舉尸牢肺正脊以授尸，明今食舉是上牢肺正脊也。先食啗之以為道者，特牲舉肺脊注云：肺氣之主也。脊體之貴也。先食啗之以道氣通氣也是也。

上佐食舉尸牢幹尸受振祭濟之佐食

受加于所

濟才計反。此又舉以授祭與濟也。注曰：幹正脊也。疏曰：上文食舉是先正脊，故此食幹亦先正脊。特牲食

幹注為長脊者，彼記序九體有長脊無代脊。注云：脊無中脊無前，貶于尊也。故注各異也。

上佐食羞蔽兩瓦豆

有醢亦用瓦豆設于薦豆之北尸又食食

又食之食謂飯也。此又羞以授食而又一

飯也。注曰：設于薦豆之北以其加也。四豆亦緝羊載在南豕載在北，無腫臄者尚牲不尚餘味也。大名曰食小數曰飯。疏曰：特牲故有豕臄，此少牢二牲故不尚餘味而無腫臄也。論語文多言上食，食大名也。少牢特牲言三飯五飯九飯之類，皆據小數而言。

佐食舉尸一魚尸受振祭濟之佐食受加于所橫之又食

此舉以祭且濟

而又一飯也。注曰：魚橫之者異于肉也。疏曰：肉在俎橫魚在俎縮其在所，俎魚雖本縮今則橫矣。肉但言加于所不云縮，則與本組同橫可知。故云異于肉也。

所又食

此舉以祭且濟而又一飯也。注曰：腊魚皆止一舉者，少

舉者崇威儀也。疏曰：特牲禮三舉獸魚以牲少故也。此少牢二牲體足可舉，故腊魚一舉以畧之。腊如牲骨，但舉一骨者，尊以為終也。特牲云：尸三飯，佐食舉獸幹魚一亦如之。尸又三飯，舉骼及獸魚如初。尸又三飯，舉肩及獸魚如初。彼獸魚常一時同舉，而此獸若魚別舉，故上佐食舉尸牢骼如初，又食尸告飽。

如初如舉幹受祭以濟也

此又舉以祭濟而又一飯也

祝西向于主人之南獨侑不拜侑曰皇尸未實侑

尸又食

此祝侑而又一飯也。注曰：不舉者，卿大夫之禮，不過五

祝既侑，復反南面，故下文更言祝西面也。疏曰：五舉者，舉牢肺一也，舉牢幹二也，舉一魚三也，舉腊肩四也，又舉牢骼五也。特牲禮



九飯三侑皆祝主人共侑而不更互以侑此大夫禮十一飯是以使祝獨侑而與主人互更也周禮大祝享侑注云侑者勸尸食而拜也則士三飯即告飽而侑大夫七飯告飽而侑諸侯九飯告飽而侑天子十一飯告飽而侑也

上佐食舉尸牢

肩尸受振祭膾之佐食受加于肫尸不飯告飽此又舉以祭膾而尸不飯也○注

曰四舉牢體始于正脊終于肩尊之也疏曰正脊及肩皆體之貴故先舉正脊為食之始後舉肩為食之終

主人之南主人不言拜侑尸又三飯此主人拜侑而尸又三飯也○注曰祝不侑又西面于主

南者祝當贊主人辭也祝言而不拜主人拜而不言者親疏之宜為祝一飯為主人三飯者尊卑之等也凡十一飯下人君也疏曰

祝言而不拜者疏也主人不言而拜者親也

上佐食受尸牢肺正脊加于肫此禮畢而將未加于肫者終加之也○注曰言受者亦尸授之也尸食肺與脊而實于

菹豆今食畢以授佐食也疏曰按上文尸既三飯上佐食舉一魚舉腊肩舉牢酪尸祭膾訖佐食受加于肫若其初佐食舉肺正脊于尸不言置舉之所至此尸十一飯乃言上佐食受尸牢肺正脊

加于肫者按特牲禮舉肺脊其時尸實舉于菹豆則今尸食畢乃于菹豆上取而授上佐食上佐食受而加于肫也

### 右尸正食

主人降洗爵升北面酌酒乃酌尸尸拜受主人拜送尸祭酒啐酒

酌士乃反○注曰酌猶羨也既食之又飲之所以樂之也疏曰酌取饒羨之義故以為樂之也

賓長羞牢肝用俎縮執俎肝亦縮進末鹽在右尸左執爵右兼取肝換于俎鹽振祭

膾之加于菹豆羞進也鹽在肝右便尸換之也兼者肝兼羊豕也疏曰鹽在肝右據賓長西面手執而言若至尸前

鹽在尸左尸以右手取卒爵主人拜祝受尸爵尸答拜儀詳特牲肝鄉左換之是其便也

### 右主人酌尸

祝酌授尸尸醋主人主人拜受爵尸答拜主人西面奠爵又拜醋

同○注曰受酢酒而俠爵彌尊尸也疏曰尸酢主人使祝代酌已足尊尸今主人拜受受訖又拜是彌尊尸也

上佐食取四敦黍稷下佐食取牢一切肺以授上佐食上佐食以綏祭主人



左執爵右受佐食坐祭之又祭酒不興遂啐酒綏許規反○注曰綏或作按讀為墮

將受嘏亦尊尸餘而祭之也右受佐食者右手受墮于佐食也至此言坐祭者明尸與主人為禮而坐也尸恒坐有事則起主人恒

立有事則坐疏曰經中綏是車綏或作按者讀從周禮守祧既葬則藏其墮取墮減之義下文主人受嘏先墮祭是以佐食授黍稷

與主人以為墮禮也按禮器云周坐尸曲禮云立如齊注云立如齊謂祭祀之時是祭時尸常坐主人常立也經云坐祭謂墮祭尸

餘是主人有事則坐尸答主人拜乃立是尸有事則起也愚按尸常坐之坐謂坐也主人有事則坐之坐謂跪也古者坐與跪相似

而實祝與二佐食皆出盥于洗入二佐食各取黍于一敦上佐食不同祝與二佐食皆出盥于洗入二佐食各取黍于一敦上佐食

兼受搏之以授尸尸執以命祝搏大官反○注曰命祝命以嘏辭也疏曰謂命祝使出嘏辭以嘏于

主人如卒命祝祝受以東北向于尸西以嘏于主人曰皇尸命工

祝承致多福無疆于女孝孫來女孝孫使女受祿于天宜稼于田

看壽萬年勿替引之女汝同○注曰嘏大也予主人以大福也工官也承猶傳也來讀曰釐猶賜也耕種曰稼

替廢引長也言無廢替而長如是也古文嘏為格疏曰云嘏為大

者郊特牲云嘏長也大也是也特牲尸親嘏此尸使祝嘏者大夫

尸尊故也特牲無嘏文不具也愚按來注讀為釐猶賜也則來與

賚字之義畧同但味上文致字下文使字皆賜賚之義不應又訓

來為賜賚文義複叠至此今按來字當讀如字蓋命之來而使受

之也此于上下文義並相足又何事轉變音讀而反失其義乎

主人坐奠爵興再拜稽首興受黍坐振祭躋之詩懷之實于左袂

挂于季指執爵以興坐卒爵執爵以興坐奠爵拜尸答拜執爵以

興出宰夫以籩受嗇黍主人嘗之納諸內挂音卦○注曰出出尸也宰夫掌飲食之事者

復嘗之者重之至也納猶入也疏曰云出為出尸者以主人位在

尸內故也此宰夫以籩受嗇乃大夫之禮若特牲士禮則主人出寫嗇于房祝以籩受與大夫異也按春官鬱人云大祭祀與量人受與嗇之卒爵而飲之注云嗇即受福之嘏聲之誤也少牢饋食禮主人受嘏卒爵執爵以出宰夫以籩受嗇黍主人嘗之乃還獻祝此王酌尸尸嘏王鬱人受王之卒爵亦畧如之是王受嘏與大

牢肉魚孺于醢以授尸孝孫就尸前以受天子則使宰夫受之以



筐祝乃釋緘辭以救之。是天子緘辭與大夫同也。前齊之是已嘗。今復言嘗是重受福之至也。特牲不言復嘗者文不具也。愚按飲食之事膳宰掌之。若宰夫掌飲食之事。周禮並無文。蓋經宰夫即指周禮之膳宰。此注疏因以膳宰職釋之。與鬱人楚茨之訓與經義全不符。蓋漢儒之附會如此。

### 右尸醋嘏主人

主人獻祝設席南面祝拜于席上坐受主人西面答拜。注曰拜于席上室中

追然也主人不言拜送下于尸也疏曰上主人酌尸尸拜受主人拜送今主人獻祝祝拜受主人但答拜而不拜送拜送禮重答拜禮輕故云薦兩豆菹醢佐食設俎牢髀橫脊一短脅一腸一胃一下于尸也。

膚三魚一橫之腊兩髀屬于尻。屬音燭尻苦刀反。薦者主婦薦也詳見特牲獻祝。注曰菹葵菹

醢羸醢也皆升下體祝賤也魚橫者四物共俎殊之也腊兩髀屬于尻尤賤不殊也疏曰上注云韭菹醢醢朝事之豆也而饋食用之豐大夫禮也葵菹羸醢饋食之豆也當饋食之節故不言豐今祝用之亦然故知用葵菹羸醢也髀與短脅橫脊皆羊豕之下體

屬于尻又腊之下體皆為祝賤故也。魚在俎縮載今橫者為羊豕魚腊四物共俎。今橫而殊之也。羊豕體不屬于尻而殊腊兩髀屬于尻而不殊。是尤賤也。祝取菹換于醢祭于豆間祝祭俎祭酒啐酒。注曰大夫禮祝

俎無肺祭用膚遠下尸也不齊之膚不盛也疏曰按特牲尸俎有祭肺離肺祝俎有離肺無祭肺已是下尸今大夫尸俎二肺皆有祝則二肺俱無是遠下尸也凡肺則齊膚皆不齊獨于此齊之者以其膚替肺故也肝牢從祝取肝換于鹽。

振祭齊之不興加于俎卒爵興。注曰卒爵興亦如佐食授爵乃興也。不拜既爵大夫之祝賤也疏曰

知授爵乃興者按下文主婦獻祝祝卒爵坐授主婦爵又獻二佐食二佐食卒爵坐授主婦爵皆是也。特牲祝卒角拜主人答拜者士卑故不賤祝此祝不拜者大夫尊故賤祝也。

### 右主人獻祝

主人酌獻上佐食上佐食尸內牖東北面拜坐受爵主人西面答

拜。位面與祝殊也佐食祭酒卒爵拜坐授爵興俎設于兩階之間其俎折



一膚敖氏云拜字衍○注曰不啐而卒爵者大夫之佐食賤禮畧也設于階間佐食不得成禮于室中也折者擇取牢正體餘骨折分用之耳有脊而無薦亦遠下尸也疏曰特牲士之佐食亦啐此大夫佐食賤故禮畧也有脊即經俎實是也無薦謂無菹醢也既無肺已是下尸主人又獻下佐食亦如之其脊亦設于階間又無薦是遠下尸也

西上亦折一膚注曰上佐食既獻則出就其俎特牲記云佐食無事則中庭北面此也

### 右主人獻佐食

有司贊者取爵于篚以升授主婦贊者于房尸婦贊者受以授主

婦注曰取爵于篚者男女爵不相襲特牲禮佐食卒角主人受角降反于篚是也疏曰按內則非祭非喪不相授器其相授則女受以篚其無篚則皆坐奠之而後取之經雖不言受以篚及奠于地其意則同也又按特牲佐食卒角主人受角降反于篚升入復位訖主婦乃洗爵于房酌亞

獻尸是不相襲爵也故引之主婦洗于房中出酌入尸西面拜獻

尸尸拜受主婦主人之北西面拜送爵注曰洗于房中者昏禮婦在北堂直室東隅是也入

尸西面拜由便也不北面者避君夫人也拜而獻拜而送者當俛拜也拜于主人之北婦人位在內也疏曰按特牲主婦北面拜注云北面拜者辟內子也彼士妻鬼不嫌得北面與君夫人同若大夫妻為內子則宜辟君夫人也尸祭酒卒爵主

婦拜祝受尸爵尸答拜儀不詳者特牲禮備矣

右主婦亞獻尸自此主婦獻尸獻祝佐食及賓長獻尸獻祝凡薦從之屬視特牲禮反畧蓋以特牲不償尸而

此有償尸禮故與

易爵洗酌授尸主婦拜受爵尸答拜祝出易爵亦男女不同爵也上佐食綏祭

主婦西面于主人之北受祭祭之其綏祭如主人之禮不嘏卒爵

拜尸答拜注曰不嘏者夫婦一體也

### 右尸酢主婦

主婦以爵出贊者受易爵于篚以授主婦于房中主婦洗酌獻祝



祝拜坐受爵主婦答拜于主人之北注曰贊者亦有司贊者也易  
于房戶外入卒爵不興坐授主婦祝不祭酒省文也○  
授主婦也注曰不俠拜下尸也

右主婦獻祝

主婦受酌獻上佐食于尸內佐食北面拜坐受爵主婦西面答拜  
亦不俠拜也○注曰不言祭酒卒爵坐授主婦  
佐食亦祭酒則祝不祭省文明矣  
拜于主人之北可知也  
主婦獻下佐食亦如之上下無異也  
主婦受爵以入于房爵奠于內篚也

右主婦獻佐食

賓長洗爵獻于尸尸拜受爵賓尸西北面拜送爵尸祭酒卒爵賓  
拜祝受尸爵尸答拜義見下尸  
醉賓長章

右賓長獻尸

祝酌授尸賓拜受爵尸拜送爵賓坐奠爵遂拜執爵以興坐祭遂  
飲卒爵執爵以興坐奠爵拜尸答拜亦見下尸  
醉賓長章

右尸酢賓長

賓酌獻祝祝拜坐受爵賓北面答拜祝祭酒啐酒奠爵于其筵前

注曰啐酒而不卒爵祭事畢示醉也不獻佐食將償尸禮殺也疏  
曰按特牲賓長獻尸爵止注云待夫婦致爵欲神惠之均于室中  
也此大夫禮有償尸者致爵自在償尸之時故此爵不止也又按  
有司徹上大夫償尸之禮尸作止爵三獻致爵于主人主人不酢  
亦不致爵于主婦若下大夫不償尸之禮賓獻尸止爵主婦致爵  
于主人主人酢主婦而不致爵于主婦若特牲之禮主人與主婦  
交相致爵交酢各不同者此以尊卑為差也上大夫得償尸故其  
致爵辟人君而主人不酢致于主婦下大夫不償尸故酢主婦而  
不致士卑不嫌與君同故致爵與酢具也注云不獻佐食將償尸  
禮殺也者祝與佐食俱事神及尸是以主人主婦獻尸并及之今  
將償尸故賓獻祝不及  
佐食是祭末禮殺故也



右賓長獻祝

主人出立于阼階上西面祝出立于西階上東面祝告曰利成利猶

養也成畢也孝祝入尸謾主人降立于阼階東西面祝先尸從遂于之養禮畢也

出于廟門注曰謾起也事尸之禮訖于廟門外疏曰上祝迎尸于

廟門為斷也祝反復位于室中主人亦入于室復位祝命佐食

徹所俎降設于堂下阼階南注曰徹所俎不出門者將俎尸也不

食徹尸俎出廟門者歸尸也今將俎尸也疏曰特牲禮佐

右尸謾徹俎按特牲禮賓獻尸爵止主人主婦乃交致交酢比

賓作止爵尸乃酢賓賓乃獻祝佐食乃又致主人

主婦主人乃獻賓及眾于是堂下陳尊主人乃又酬賓乃又獻

長兄弟眾兄弟乃又獻內賓宗婦長兄弟眾賓長乃又皆為尸

加爵嗣又為舉奠而賓長兄弟以下乃皆旅酬以至無算爵而

後利成尸謾也今賓獻尸以下但尸酢賓賓獻祝而即尸謾何

司宮設對席乃四人奠饌同○疏曰祭統云凡饌之道布德施

饌明惠之大也上佐食盥升下佐食對之賓長二人備注曰三佐食外又

饌也疏曰下佐食對之者直取上佐食東面下佐食西面為對而

已其實下佐食西面近北不得東西相當也一賓長在上佐食之

北一賓長在下佐食之南亦司士進一敦黍于上佐食又進一敦

黍于下佐食皆右之于席上資黍于羊俎兩端兩下是饌右之者

在南西面則在北也資今文作齋謂取而資之也舊訓資為減者

非資于羊俎兩端者一賓長在上佐食之北一賓長在下佐食之

南故也○疏曰東面在南據上佐食西面在北據下佐食右之者



○注曰舉謂舉膚也疏曰尸舉肺餒者下于尸明不舉肺主人西

當舉膚也特牲士禮佐食授餒者各一膚大夫禮亦然

面三拜養者養者莫舉于俎皆答拜皆反取舉注曰三拜者旅之時皆去其席在東向席者東面拜在西面席者則南面拜疏曰主

人在戶內西面而拜餒者在堂下固東面而答但其在西面位者不得與主人同西面而拜明

司士進一鉶于上養又進一鉶于次

又進二豆滫于兩下乃皆食食舉乃皆食謂食黍也○注曰滫

饌中來也疏曰神坐之上止有羊豕二鉶一進與

上佐食一進與下佐食故更羞二豆滫于兩下也卒食主人洗一

爵升酌以授上養贊者洗三爵酌主人受于戶內以授次養若是

以辯皆不拜受爵爵不拜受者大夫之餒者賤也若特牲使嗣子與兄弟餒則貴矣故拜受也主人西

面三拜養者養者莫爵皆答拜皆祭酒卒爵莫爵皆拜主人答一

拜注曰答一拜畧也疏曰特牲亦無再拜法此云畧者以四餒皆拜拜主人總答一拜故云畧也愚按特牲拜祝乃兩拜今云特牲

亦無再拜法蓋就答拜言之與然特牲答拜不言其數如疏之意則謂特牲兩餒各答一拜而此乃四餒總答一拜也經無明文亦以此言一拜養者三人興出上養止注曰出降實爵推度之耳

### 右設席行養

主人受上養爵酌以醋于戶內西面坐奠爵拜上養答拜注曰主人自酌

酢者上養獨止當尸位尊不酌也疏曰特牲上養親自酌酢主人此上養不酌者彼上養不酌主人既卒爵兩養俱降故上養酢主

人若此少牢禮備上養在坐祭酒啐酒上養親餒曰主人受祭之

尸位餒主人故不酌也

福胡壽保建家室主人興坐奠爵拜執爵以興坐卒爵拜上養答

拜此主人祭啐而上養餒之之畧也尸餒主人則詳矣○注曰親

餒不使祝也其授之亦以黍疏曰上皇尸命工祝餒主人以黍

今不使祝餒而司上進教黍及資黍于羊上養興出主人送乃退

俎兩端皆不言稷故知其授之亦以黍也注曰送佐食不拜賤也疏曰禮賓出主人皆拜送此佐食送而不拜故云賤也



右 上 養 嘏 主人

舊分此以上為少年饋食禮而以下別標為有司徹其義未楚說見下卷

有司徹埽堂司宮攝酒乃鞅尸俎鞅音尋○注曰徹者徹室中之

大夫既祭而饋尸則不設饌西北隅為陽厭以此薦俎之陳有祭象亦足以厭飫神矣天子諸侯明日祭于祊而釋春秋傳云辛巳有事于大廟仲遂卒王午猶釋是也埽堂為饋尸新之也攝者益整頓之也鞅溫也獨言溫尸俎者祝與佐食不與其禮也疏曰云徹室中之饋及祝佐食之俎者室內之饋主于尸饌凡薦俎黍稷皆是也至祝有俎有薦在室內北墉下佐食無薦有俎在兩楹之間此徹亦及之其所俎亦用饋尸不使有司同時徹而上文佐食先徹設于堂下者所俎本為尸故後設而先徹也楚茨詩云諸宰君婦廢徹不遲此不言諸宰君婦者彼人君禮異也云薦俎之陳有祭象亦足以厭飫神者不饋尸則尸出之後改饌西北隅以厭飫神謂之陽厭而饋尸于堂則不為陽厭矣云王侯明日祭于祊而釋者按郊特牲云釋之于庫門內祊之于東方失之矣注云祊宜于廟門外之西室釋宜于堂之西北爾雅云周曰釋商曰彤夏曰復彤云復彤者復昨日之彤祭也云彤者彤彤然祭不絕也云釋者尋釋前祭也復彤彤釋與祊蓋皆一事而異名又祊有正祭之祊有明日又祭之祊正祭之祊即于廟門之內楚茨詩祝祭于

祊傳云祊門內也鄭云孝子不知神之所在使祝博求之于廟門內之旁待賓客之處是也明日又祭之祊于廟門之外禮器云為祊于外郊特牲云索祭祝于祊不知神之所在于彼乎于此乎或諸遠人乎祭于祊蓋曰求諸遠者與是也大夫饋尸即用正祭之牲若天子諸侯禮大則明日又別牲牛人職享牛求牛注云享獻也所以祭也求索也所以釋也是也云為賓尸新之者正祭于室之時堂埽訖今將饋尸又埽之也云益整頓之者士冠禮再醮攝酒注云攝猶整也撓也謂饋尸亦因正祭之酒更添益撓攪整新之也鞅者先溫于饗之饗後乃升于鼎也獨言溫尸俎者正祭時尸親及佐食皆有俎至饋尸時則別立俎以佐尸而已祝與佐食不與也古文談皆作尋記或作燐春秋哀十二年傳云公會吳于橐皋吳子使大宰嚭請尋盟子貢曰盟所以周信也若可尋也亦可寒也服注云尋之言重也溫也則焚尸俎是重溫之義也

卒 燔 乃 升 羊 豕 魚 二 鼎 無 腊 與 膚

乃設局鼐陳鼎于門外如初注曰五鼎為三者腊為庶羞膚從豕外東方北面北上也疏曰云腊為庶羞者此升鼎無腊下載又不見腊體明從庶羞可知云膚從豕者下載體時膚猶在豕鼎明不為庶羞可知故正祭時五鼎今去二鼎明饋尸之禮殺于初也



右燄俎陳鼎

乃議侑于賓以異姓

注曰議猶擇也擇賓之賢者也必用異姓廣敬也是時賓有司主人已復內位疏曰上篇

二佐食二賓長四人餽餽訖皆出上餽出主人送乃退今宗人戒議侑在廟內而出故云是時賓有司主人已復內位也

侑侑出俟于庭門之外注曰戒猶告也南面告于其位戒曰請子

更入也疏曰賓位在門東北面則請以為侑當面鄉其位可知下文將獻賓主人降南面拜眾賓于門東眾賓門東北面答拜是也

按燕禮公曰命某為賓則射人傳公命當云請子為賓此命侑主人當云命某為侑則宗人傳主人辭戒之又當曰請子為侑注蓋

以互文約之也

右議侑戒侑

司宮筵于戶西南面又筵于西序東面戶與侑北面于庭門之外

西上注曰戶西南面為尸席西序東面為侑席言與者殊尊卑也北面者賓尸而尸益卑也西上統于賓客也疏曰饋尸之禮

以尸為賓客當在門西東面北上主人出迎尸宗人擯主人拜尸

答拜主人又拜侑侑答拜注曰賓尸而迎之主人益尊也擯贊也疏曰按上篇宿尸祝擯今饋尸祝不與

故使宗人為擯又上篇正祭主人不迎尸以申尸尊也今賓尸而迎之尸同賓客是主人益尊也主人揖先入門

右尸入門左侑從亦左注曰先入揖乃讓主人先升自阼階尸侑

升自西階西楹西北面東上注曰揖乃讓者沒雷相揖至階又讓也東上統于其席也疏曰注知至階

又讓者上鄉飲酒等皆入門三揖至階又讓也尸在門外北面西上統于賓也至此升堂亦應西上而乃東上者賓席以東為上故

云統于其席也主人東楹東北面拜至尸答拜主人又拜侑侑答拜揖讓拜至

皆賓禮也

右迎尸及侑

乃舉注曰舉舉鼎也舉者不盥殺也疏曰正祭時皆盥訖乃舉鼎此饋尸禮殺故舉者不盥也司馬舉羊鼎司

義禮 少年 卷十九 三



士舉豕鼎舉魚鼎以入陳鼎如初詳見前雍正執一匕以從雍府執

二匕以從司士合執二俎以從司士贊者亦合執二俎以從匕皆

加于鼎東枋見前但未從字上有相字二俎設于羊鼎西西縮二俎皆設于二

鼎西亦西縮見前但縮字前為肆字○注曰如初如正祭時阼階下西面北上也雍正掌辨體各肉物者府乃其屬執

三七者鼎各一匕也四俎謂尸侑主人主婦之俎二鼎西謂豕鼎

魚鼎之西疏曰云雍正掌體各肉物者周禮內饗掌割亨煎和之

事辨體各肉物注云體各脊脅肩臂臠之屬肉物臠燔之屬是也

愚按縮之言直猶順也凡全經言南陳南肆及南順之屬皆異名

而同實肆亦陳也謂其陳之皆直而順也雍人合執二俎陳于羊俎西並皆西縮覆二

疏匕于其上皆縮俎西枋雍人雍正之亞羊俎謂二俎設于羊鼎西者也○注曰並併也其一俎司馬以

升羊匕清羊肉清其一俎司士以升豕匕清豕肉清疏匕匕柄有

刻飾者疏曰云匕清者謂無肉直汁即下文司馬在羊鼎之東二

手執桃匕枋以挹汁注于疏匕是也云肉清者直是肉從清中來

即下文羊肉清以下載于南俎是也按下文次賓羞羊匕清司馬

羞羊肉清又次賓羞豕匕清司士羞豕脊而注併云司馬司士以

升不云次賓者據正文司馬割羊司士擊豕而約言之其實羞羊

匕清豕匕清者次賓也云疏匕為匕柄有刻飾者凡言疏是疏通

刻飾之名若禮記云疏屏之類是也愚按後章經文司馬先于羊

鼎之東執桃匕枋以挹清注于疏匕次賓因進匕清尸嚼之而後

司馬羞羊肉清于尸前蓋以汁先肉如乘韋先牛之義此注所以

云無肉直汁也或疑酒曰啐羹曰嘗牲體殺藏肝燔之屬皆曰嚼

汁無肉應如鋤羹言嘗大羹不嚼之例此後文言嚼蓋亦有肉也

此其說殊辯但非鄭注意耳

右司馬司士等舉陳鼎俎

主人降受宰几尸侑降主人辭尸對几以安體周禮大宰掌贊玉几玉爵是也宰授几

主人受二手橫執几揖尸主人升尸侑升復位獨揖尸者几禮主手尸也○注曰位

阼階賓階上之位也疏曰主人位常在阼階上其賓位在

西階上及尸西今恐尸復位在尸西故言賓階上之位也主人西

面左手執几縮之以右袂推拂几三二手橫執几進授尸于筵前



尸進一手受于手間衣袖謂之袂推拂者去塵以示新也受從手間謙也主人退尸還几縮

之右手執外廉北面奠于筵上左之南縮不坐還旋同○左之者

陽長左鬼神陰長右不坐奠之者几輕也疏曰主人橫執几進授尸時尸二手受于主人手間亦橫受之以將縱設于席故還之使

縮以右手執几外廉而鄉北面縮設于席也上篇設神几皆在右其為主人皆在左是人陽尙左神陰尙右也坐奠謂下文啐酒坐

奠之屬凡言坐是重之故不坐奠是几輕也主人東楹東北面拜尸復位尸與侑皆北

面答拜注曰拜者拜送几也侑亦拜者從于尸也疏曰主人為尸拜送几尸當答拜今侑亦拜故云從于尸也侑必從尸拜

者立侑以輔尸也

### 右主人授几

主人降洗尸侑降尸辭洗主人對卒洗揖主人升尸侑升尸西楹

西北面拜洗主人東楹東北面奠爵答拜同降而尸辭同升而尸拜亦正從之意也○疏

曰按鄉飲酒主人降洗賓降主人辭降賓對此中亦應主人辭降賓對文不具也降盥尸侑降主人辭尸

對卒盥主人揖升尸侑升主人坐取爵酌獻尸尸北面拜受爵主

人東楹東北面拜送爵降盥者為汚手不可酌也同降而主辭尸對同升而獻尸尸受亦前意也主婦

自東房薦韭菹醢坐奠于筵前菹在西方婦贊者執昌菹醢以授

主婦主婦不興受陪設于南昌在東方興取籩于房籩蕡坐設于

豆西當外列麩在東方婦贊者執白黑以授主婦主婦不興受設

于初籩之南白在西方興退籩音豐蕡音文○昌昌本也韭菹醢

實也白熬稻黑熬黍也以上皆朝事之豆若籩大夫初無朝事而用之儻尸亦豐大夫禮也主婦取籩興者以飲異親之也當外列

避劍也退退入房也疏曰主人先獻主婦後薦者正祭則先薦後獻釋祭則先獻後薦祭義君獻尸夫人薦豆注謂釋祭也此儻尸

禮與天子諸侯釋祭同故亦先獻後薦也籩人云朝事之籩蕡蕡

白黑形盥膾鮑魚鱸醢人云朝事之豆韭菹醢醢昌本糜蕡菁菹

義豐少牢 卷十九 三



鹿麋茆菹麋麋鄭此注皆據彼而言彼注昌本為昌蒲根有骨為  
麋無骨為醢今按喪服傳直者麻之有蕒者也牡麻者泉麻也蕒  
麻有實泉麻無實而云蕒泉實者舉其類也若竹器圓曰篋方曰  
筥鄭注論語云篋筥也亦是舉其類也大夫用王侯朝事之籩豆  
雖豐大夫而八籩八豆之中各取其四則殺王侯也韭菹醢即韭  
菹醢醢昌菹醢即昌本麋麋亦各醢散文通也又按周禮注云  
菹菹之稱菜肉通全物若牒為菹細切為菹彼昌本不言菹蓋細  
切為菹此云昌菹則大夫以昌本為菹異于王侯也籩豆俱時設  
而籩不使婦贊授者以籩與豆不同  
所實又別故主婦就房親取之也

### 右主人獻尸主婦設薦

乃升司馬牝羊亦司馬載載右體肩臂肫胙臠正脊一脰脊一橫

脊一短脅一正脅一代脅一腸一胃一祭肺一載于一俎

肫音純此下

三俎皆尸俎也不言尸俎為儻尸可知也○注曰升者自鼎升牲  
體于俎也歠尸俎復序體者明所舉肩胙及脊脊存焉亦著脊脊  
皆一骨也臠在下者折分之以為肉消賤也此俎謂司士所設羊  
鼎西之第一俎疏曰按上篇載牲體十一脊脊皆二以並尸舉肩

胙及脊脊皆加于所俎今歠尸俎嫌所舉之在所者不在故復序  
其體明在所俎之肩胙及脊脊亦存又上篇脊脊皆二骨以並今  
脊脊載一骨在此正俎又一骨在下文消俎亦著脊脊皆一骨也  
此俎在侑俎之南侑俎在其北即下文注云侑俎羊鼎西之北俎  
是也以下所次注皆據司士雍人所陳為次推之可見愚按此尸  
之俎為羊鼎西之第一俎在南侑俎為羊鼎西之第二俎在北侑  
俎為豕鼎西之俎主婦俎為魚  
鼎西之俎俎皆羊故為四正俎

胃一臠肺一載于南俎

注曰肉消肉在汁中者以增俎實為尸加也臠折上所折分者臠肺離肺也南俎即

雍人所設在南之俎此以下十一俎俟時而載先于此歷陳之耳  
疏曰云增俎實為尸加者正祭之鼎直升牲體無消今儻尸增俎  
實為尸加故有消也凡肉在鼎有注在俎無注故先進羊七消然  
後進羊肉消見此消為肉而有因在羊肉消前進使尸嘗之注  
云臠消者明消肉加耳嘗之以其注尚味也是也豕亦有肉消不  
各肉消而各豕豕者互見為文言豕者見在俎無注言肉消者見  
在鼎有汁也魚不言魚消而云消魚者羊先言肉後言消使肉前  
進七消明是消從肉來魚前無進七消者下注云不羞魚七消畧  
小味也羊有正俎羞七消肉消豕無正俎魚無七消殺也上文退  
臠在下者以折分故退之此云臠折即上所退臠在下者也左右



體皆有膾而必取右體之膾折分用之者貴神俎故也脊脅二骨亦分一骨為肉滫者亦貴神俎也按下文卒升賓長設羊俎于豆南賓降尸升筵唯設此一俎餘十俎未載設待主人主婦升席乃載設之今此以下乃因前俎先歷陳之載設實俟時耳十一俎者尸之羊肉滫俎一也豕胥俎二也侑之羊俎三也豕俎四也主人羊俎五也羊肉滫俎六也豕胥俎七也主婦羊俎八也尸及侑及主人三魚俎十一也通尸羊正俎十二也內尸侑主人主婦載羊體之四俎皆為正俎餘八俎雍人惟執二俎益送往還故有八其實止二俎也愚按據本章十二俎似同時自鼎升載而其後乃即所升載之俎陳設之耳註謂先載一俎而十一俎乃俟時而載者以下經定之也羊豕七滫二俎升必俟時者蓋一以滫恐傾不得先時預升一又以滫宜溫自須臨時乃進故下經升時有明文也十一俎之各升亦自難紊故經因升尸俎而併陳之然據上文執從凡六俎不及十二俎之數理固當俟時而升又下文益送往還之儀惟尸侑主人主婦之四羊俎為正俎設于各筵而餘則羊七滫俎縮執以降羊肉滫俎羊燔俎皆載加于羊俎即豕胥俎豕燔俎滫魚俎亦于羊俎載加之所以然者少牢禮以羊俎為正俎俎可容則載加之矣其長賓兄弟次賓兄弟以及內賓私人之薦俎并凡籩豆銅器之屬皆不陳之者祭器以俎為重俎又尸侑主人主婦為尊故也緣註家定為俟時而載之說而往還益送之儀不

明則讀經者多疑其說故通考前後發之如此餘見下文卒升

司士杜豕亦司士載亦右體肩臂

肫骼膾正脊一脰脊一橫脊一短脅一正脅一代脅一膚五臍肺

一載于一俎

注曰膾在下者順羊也俎謂雍人所設在北之俎疏曰上文羊膾在下由折分豕胥雖不折分而亦在下

者順羊故亦在下也侑俎羊左肩左肫正脊一脅一腸一胃一切肺一載于

一俎侑俎豕左肩折正脊一脅一膚三切肺一載于一俎

此二俎皆侑俎

連目之者變文也○注曰俎用左體侑賤也羊俎過三體而有肫尊而加之也豕左肩折者折分為長兄弟之俎也切肺亦祭肺互言之耳無羊滫者下于尸也豕不臍肺不備禮也此羊俎司士所設羊鼎西之北俎也其豕俎則與尸同疏曰按上篇載尸俎皆右體脊脅皆二骨以並舉肺一切肺三尸及主人主婦盡用矣腸三胃三尸正俎用一滫俎用一唯有一在此是以自侑已下及主人主婦皆用左體脊脅及腸胃之屬今款尸俎時左體亦同升于鼎不言者文不具也若不同升鼎則侑主人主婦之俎如特牲執事之俎陳在階間不應在鼎西也特牲執事與主人主婦之俎不升鼎少牢上篇祝與佐食之俎亦不升鼎皆自異于神此自侑已下



乃悉與尸同鼎者。饋尸禮益卑。雖同升鼎。唯尸尊禮詳。侑已下禮。畧故不嫌同升也。鼎俎數奇。今肩肫脊脅之體數四。故云加。且上篇祝之羊豕體各三。下文主人之羊肉滂俎。體亦三。今饋尸有侑。猶正祭之有祝也。以立侑輔尸。故云尊之。又以侑之豕俎無肫。主人之羊肉滂俎亦無肫。故又云過三體而有肫。尊而加之也。經薦俎皆不云折。唯兄弟俎則云先生之香折。注云先生謂長兄弟也。折豕左肩之折也。故又云折分為長兄弟俎也。經羊七滂羊肉滂皆無故云。無羊滂以包之。而此二滂尸皆有。侑皆無。故云下于尸。又上文尸羊俎有祭肺。豕俎有膾肺。是備昨俎。羊肺一祭肺一載于一俎。羊肉滂。臂一脊一膾一胃一膾肺一載于一俎。豕膾。臂一脊一膾一膚三。膾肺一載于一俎。此三俎皆主人俎。主人在無體遠下尸也。以肺代之。肺尊也。加羊肉滂而有體。崇尸惠亦尊主人也。臂左臂也。侑用肩。主人用臂亦下之也。不言左臂者。大夫尊。空其文也。降于侑之羊體一。而增豕膚三者。有所屈。有所伸。所謂順而據也。此昨俎。司士所設。豕鼎西之俎。其滂俎豕俎與尸滂俎豕俎同。疏曰。尸用右體。主人用左體。是其相下。今主人正俎全無牲體。故云遠下尸也。尸侑皆一肺。今主人一俎有兩肺。故知以

肺代體。肺得以代體者。肺為氣之主。祭之所先。尊于腸胃。故也。俎物雖與尸不同。而肉滂與尸同。至尸酢主人而設之。故曰崇尸惠。侑無羊七滂與豕七滂。而主人盡有之。故曰尊主人。牲右體貴左。體賤右臂在尸俎。主人惟用左臂耳。然侑用左體。直言左肩左肫。主人雖用左臂。乃云臂不云左。故云大夫尊。空其文也。有順而據也。禮器文。彼注云。若君沐梁。大夫沐纓。士沐梁。大夫屈于君。不沐梁。士屈于大夫。而反沐梁。是一屈一伸之義。愚按。主人與侑皆豕膚三。注云。增于侑。豕膚三。未詳。當云。增于侑。四而少一耳。主婦俎。羊左膾脊一。膾一。腸一。胃一。膾一。膾肺一。載于一俎。止。主婦俎。主人備矣。○注曰。豕有膚而無體。以主人無羊體。亦不敢備也。無祭肺。有膾肺。亦下侑也。膾肺言羊者。文承膚下。嫌豕肺也。此主婦俎。司士所設。魚鼎西之俎。疏曰。肩尊臂卑。侑用肩。主人用臂。已下侑矣。祭肺尊。膾肺卑。侑皆祭肺。主婦皆膾肺。故云亦下侑也。豕膚在羊肺之上。使淨羊之體。下文主人獻賓。切肺一。司士札魚膚一。其膚又在肺下者。彼取用之先後。故退膚在下也。亦司士載尸俎。五魚橫載之。侑主人皆一魚。亦橫載之。皆加膾祭

于其上。此三俎。尸侑及主人俎也。○注曰。橫載之者。異于牲體。彌變于神也。膾讀如殷。尋之。昆。刺魚時。割其腹。以為大臠。可



用以祭也其俎又與尸豕俎同疏曰按以上十一俎凡尸侑主人主婦之俎皆言羊俎豕俎獨不陳魚俎而并陳于此者魚水物別于正牲故并于此陳之也云橫載為異于牲俎彌變于神者凡牛牲事神食生皆橫載于俎于神與人皆為縮此同也但其體鬼神進下生人進勝止正祭之時羊豕載于俎皆進下注云交于神明不敢以食道敬之至也故與生人鄉飲酒禮進勝不同也此與也至此儻尸則事神禮簡儻尸禮隆以尸為賓客故從生人禮牲體皆進勝此又同也凡魚牲事神食生皆縮載于俎于神與人皆為橫此亦同也但其魚事神進勝食生進勝上七載之時司士升魚十有五而俎縮載右首進勝注云變于食生也故與生人禮右首進勝不同也此亦異也至此儻尸禮載魚宜亦同生人縮載右首進勝而乃橫載之異于牢體之從生人禮者見儻尸禮雖與正祭異又不全與生人同故云彌變于人也按郊特牲周弁殷俎其言覆以覆首也此亦取魚腹反覆于上以擬祭故讀如之云其俎又與尸豕俎同者謂司士所設于豕鼎之西者也愚按臚只是大臚注疏讀如殷俎之臚曲甚矣

右司馬司士載尸侑主人主婦各俎

卒升卒升據本章承十二俎按下文經傳指尸俎也注曰卒已也已載尸羊俎也疏曰按上文主人獻尸主婦設薦乃升羊俎

進于尸前而因歷陳十一俎之數是以注于卒升但已載尸羊俎言之也自上文獻尸至此以下有五節主人獻酒主婦設薦一也賓長設羊俎二也次賓羞羊七滂三也司馬羞肉滂四也次賓羞羊燔尸乃卒爵五也愚按卒升或通承上文升丁二俎而言蓋其時將升羊俎于尸前于是尸羊俎自鼎升而各俎亦皆升矣然此下獻尸侑及主人主婦所言設俎言羞滂又言羞爵凡皆各言載與加載于羊俎而羊豕七滂俎乃次賓羞于尸前而因縮執以退者則注疏止以卒升為升尸羊俎因自得之賓長設

羊俎于豆南賓降尸升筵自西方坐左執爵右取韭菹揆于三豆

祭于豆間尸取饗蕢宰夫贊者取白黑以授尸受兼祭于豆祭賓

賓長也對次賓而言也豆祭亦謂豆間也○注曰賓長上賓也疏曰按下文三獻之時上賓洗爵注云上賓賓長也是也雍人

授次賓疏匕與俎受于鼎西左手執俎左廉縮之卻右手執匕枋

縮于俎上以東回受于羊鼎之西司馬在羊鼎之東二手執桃匕

枋以挹滂注于疏匕若是者三尸與左執爵右取肺坐祭之祭酒



興左執爵

桃湯堯反又他羔反○受于鼎西次賓受也又言以東面受于羊鼎之西者申明之耳上柄疏上枋也桃匕以

挹清疏匕以注清尸興承上坐祭而言經文夾叙之也○注曰桃

讀如詩或春或枕之枕今文作枕或作桃者秦人語也二疏上皆有淺升狀如飯摻桃匕長枋可扞物于器中注猶寫也挹今文作

扱肺羊祭肺也疏曰云二匕皆有淺升狀如飯摻此以漢法况之言淺升者對凡勺深升而言知羊祭肺者上載尸羊正俎云祭肺一是也

授尸尸卻手受匕枋坐祭臠之興覆手以授賓賓亦覆手以受縮

匕于俎上以降尸席末坐啐酒興坐奠爵拜告旨執爵以興主人

北面于東楹東答拜

覆芳伏反下同○云若是者縮執以凡亦縮授也○注曰臠清者明清肉加耳嘗其汁尚

味也旨美也疏曰匕清似大羹按特牲大羹不祭不臠此臠之者

明清肉加先進其汁而嘗之尚味故也清肉宜鼎有注在俎無汁故先以匕進汁特牲大羹自門入不調于鼎此肉清在鼎已調故

云尚味也按上篇尸不啐奠不告旨尸彌尊也至饋尸啐酒告旨異于神奠尸禮彌卑矣

司馬羞羊肉清縮執俎尸坐奠爵興取肺坐絕祭臠

之興反加于俎司馬縮奠俎于羊清俎南乃載于羊俎卒載俎縮

執俎以降尸坐執爵以興

羊清或云清字衍○注曰絕祭謂絕肺末以祭即周禮九祭七日絕祭是也清

使次賓肉使司馬大夫禮多崇敬也疏曰周禮大祝職注云絕祭

絕末以祭也上文次賓載清此司馬羞肉大夫官多各使載其一

故云大夫禮多崇敬也愚按此云卒載乃尸臠羊肺訖而司馬以俎內凡所升者并載于先一羊體之俎也或誤以此載為自鼎升

俎者失之矣次賓羞羊燔縮執俎縮一燔于俎上鹽在右尸左執爵受

燔揆于鹽坐振祭臠之興加于羊俎賓縮執俎以降尸降筵北面

于西楹西坐卒爵執爵以興坐奠爵拜執爵以興主人北面于東

楹東答拜

注曰燔炙也疏曰按詩云載燔載烈注云傳火曰燔貫之加于火曰烈烈謂炙也彼燔炙為對文則燔炙異而散文傳火亦是炙類故曰燔炙也

主人受爵尸升筵立于筵末

右尸各祭訖卒主人獻爵



主人酌獻侑侑西楹西北面拜受爵主人在其右北面答拜注曰

者俱獻間無事也主人就右者賤不專階也疏曰此以下獻侑有三節

主人酌獻主婦設薦一也司馬羞羊俎二也次賓羞羊燔三也侑降于尸二等故無羊七滂又無肉滂也獻尸訖即獻侑中間

無別酢酬故不洗凡爵從尊者來向卑獻間無事則不洗此文獻尸訖獻侑不洗是也爵從卑者來向尊雖獻間無事亦洗特注

云洗乃致爵于主人為異事新之也以其承佐食賤也不償尸注亦云洗致爵于主人以承佐食賤新之也皆是也侑賤不專階故主人就侑右若尸尊得專階故主人不就尸階也

主婦薦 韭菹醢坐奠于筵前醢在南方婦贊者執二籩饗以授主婦主

婦不興受之奠饗于醢南黃在饗東主婦入于房注曰醢在南方正饗統焉也疏曰凡設菹常在右使其揆也今菹在醢北者以立侑輔尸故菹在北統于尸也

右主人獻侑主婦設薦

侑升筵自北方司馬橫執羊俎以升設于豆東侑坐左執爵右取

菹揆于醢祭于豆間又取饗黃同祭于豆祭興左執爵右取肺坐

祭之祭酒興左執爵畧如月也次賓羞羊燔如尸禮侑降筵自北方北

面于西楹西坐卒爵執爵以興坐奠爵拜主人答拜如尸禮謂縮

之屬注曰答拜拜于侑之右也疏曰知拜于侑之右者以其前拜爵時尸在侑之右也此侑酢主亦有五節尸酢主一也婦設薦

賓長設羊俎二也次賓羞羊七滂三也司馬羞肉滂四也次賓羞燔主人乃卒爵五也

右侑各祭訖卒主人獻爵

尸受侑爵降洗侑降立于西階西東面主人降自阼階辭洗尸坐

奠爵于篚興對卒洗主人升尸升自西階主人拜洗尸北面于西

楹西坐奠爵答拜侑授尸爵同尸降盥主人降尸辭主人對卒盥

主人升尸升坐取爵酌司宮設席于東序西面主人東楹東北面

主人升尸升坐取爵酌司宮設席于東序西面主人東楹東北面



拜受爵尸西楹西北面答拜

設席酢席也尸待主獻俯訖乃酢主人也○疏曰特牲禮及少牢上篇主人獻尸俟尸酢主人訖乃獻祝及佐食今尸受獻則待主人獻俯訖乃酢主人者此備尸之時尸與欲達主人之意故使先獻俯乃自酌以酢彼正祭之時尸尊即自達已之意故先酢主人主人乃獻祝與佐食下文賓長獻尸尸遂賓之意待其致爵主人尸乃酌之亦此類也愚按特牲少牢皆致爵乃設席此備尸受酢即設席者實以尸酢為正且變于正祭耳

主婦薦韭菹醢

坐奠于筵前菹在北方婦贊者執一籩麴黃主婦不興受設麴于

菹西北黃在麴西主人升筵自北方主婦入于房

注曰設籩于菹西北亦避劍也

疏曰按上文設尸豆訖主婦興取籩于房而設俯與主人豆訖主婦不興取籩者凡執籩豆之法皆兩雙執之俯與主人豆籩各二

主婦自執二豆設之婦贊執二籩以授而設之故主婦不興若尸

豆籩各四主婦與婦贊各執二豆訖又當各執二籩故主婦興取

籩于房也上設俯籩正當豆此在西北明避

劍也猶設尸籩避劍當豆西外列之意也

右尸酢主人主婦設薦

長賓設羊俎于豆西主人坐左執爵祭豆籩如侑之祭興左執爵

右取肺坐祭之祭酒興

如侑之祭如其取蒲取麴黃換祭之儀也次賓羞七滫如尸禮

席末坐啐酒執爵以興司馬羞羊肉滫縮執俎主人坐奠爵于左

興受肺坐絕祭臍之興反加于滫俎司馬縮奠滫俎于羊俎西乃

載之卒載縮執虛俎以降主人坐取爵以興

如尸禮如其縮執却受覆手縮上之屬但

主人不告也○注曰奠爵于左者神惠變于常也言受肺明有

授也言虛俎者羊滫俎訖于此虛不復用也疏曰羊滫俎雍人所

執陳于羊俎西在南者也自賓羞羊上滫司馬羞羊肉滫于尸今

次賓又羞上滫司馬又羞肉滫于主人同用此俎者多矣前二降

皆不言虛俎見將更用此言虛俎見不復用也愚按俎降皆虛

獨言虛蓋衍縮文舊謂虛不復用則下羞燔用北之豕俎誰耶

賓羞燔主人受如尸禮主人降筵自北方北向于阼階上坐卒爵

執爵以興坐奠爵拜執爵以興尸西楹西答拜主人坐奠爵于東



序南如尸禮如其自羞訖降之屬○注曰不降奠爵于篚急崇酒也疏曰燔即羊燔也凡主人與尸侑獻酢皆用羊體主婦獻尸以後乃悉用豕體賓長獻尸以後乃悉用魚從

右主人各祭訖卒尸酢爵

侑升尸侑皆北面于西楹西主人北面于東楹東再拜崇酒注曰

于西楹者以主人不反位將與已為禮也○崇酒辨見前尸侑皆答再拜主人及尸侑皆升就筵

右主人崇酒

司宮取爵于篚以授婦贊者于房東以授主婦主婦洗于房中出

實爵尊南西面拜獻尸注曰房東房戶外之東也尊南西面拜由便也疏曰上文主人獻凡三爵獻尸獻侑

并受尸酢是也此下主婦獻凡四爵獻尸一也獻侑二也致爵主人三也受尸酢四也主婦獻尸內從獻又有五節主婦設兩劍一

也又設糗與修二也次賓羞豕燔尸乃卒爵五也尸拜于筵上受主婦

西面于主人之席北拜送爵疏曰賓主獻酢無在筵上受之禮今尸于筵上受者婦人所獻尸不與行

賓主之禮故不得各就其階也若上篇主人獻祝祝拜于席上坐受者注云室內迺狹故拜受于筵上與此禮異也下文主婦西面于主人之席北拜送爵今酌尊乃即在尊南西面獻尸故注謂其由便言使其西面授尸不必退主人之北也入于房取

一羊劍坐奠于韭菹西主婦贊者執豕劍以從主婦不興受設于

羊劍之西興入于房取糗與服脩執以出坐設之糗在黃西修在

白西興立于主人席北西面糗去九反服丁亂反○注曰飲酒而有劍者祭之餘劍也無黍稷殺也糗

糗餌也服脩擣肉之脯也疏曰云無黍稷為殺者對正祭時有黍稷也愚按二劍二籩如上二豆二籩各執之例亦宜主婦執二劍以設而婦贊者執二籩以授今主婦止執羊劍婦贊者執豕劍而主婦又自興入房取二籩者二劍非可雙執故主婦與贊者分執之而二籩可雙執乃獨親執之也



右主婦獻尸設薦

尸坐左執爵祭糗修同祭于豆祭以羊劍之柄挹羊劍遂以挹豕

劍祭于豆祭祭酒畧如主獻之祭也次賓羞豕匕清如羊匕清之禮尸坐

俎酒左執爵嘗上劍執爵以興坐奠爵拜主婦答拜執爵以興如

上清之禮謂自羞以至祭降之屬司士羞豕豕尸坐奠爵興受如羊肉清之禮坐

取爵興如羊肉清之禮謂自羞至奠祭加載之屬次賓羞豕燔尸左執爵受燔如羊燔

之禮坐卒爵拜主婦答拜

右尸各祭訖卒主婦獻爵

受爵酌獻侑侑拜受爵主婦主人之北西面答拜注曰酌獻者主

視獻尸無劍羹與豕匕清而亦有二節主婦酌獻侑羞糗主婦羞

糗修坐奠糗于饗南修在黃南

右主婦獻侑設薦

侑坐左執爵取糗修兼祭于豆祭司士縮執豕豕以升侑興取肺

坐祭之司士縮奠豕豕于羊俎之東載于羊俎卒乃縮執俎以降

侑興注曰豕豕無清侑禮又殺也疏曰按上下文尸與侑及主人

主婦但是正俎皆橫執以升又橫設于席間若益送之俎皆

縮執以升又縮設于席前雖不言可知也今司士羞豕豕是益送

之俎乃特言縮執者上文主獻侑有羊肉清今主婦獻侑無羊肉

清而羞豕豕是以經特著縮執俎以見義也諸文特云橫執縮執

者皆此類愚按併載于羊俎訖則縮執俎降矣不縮執益送之俎

蓋衍縮次賓羞豕燔侑受如尸禮坐卒爵拜主婦答拜如尸禮如

義豐少年

卷十九

三



受爵酌以致于主人主人筵上拜受爵主婦北面于阼階上答拜

注曰主婦易位拜于阼階上辟併敬也疏曰此亦有五節主婦致爵主人因設二劍一也又設糗修二也羞豕七滫三也羞豕香四也羞豕燔主人乃卒爵五也前主婦獻尸侑拜送于主人比今致爵于主人乃易位者拜于阼階上若不易位似併敬尸侑故避而易位也特牲禮三獻爵止乃致爵此未三獻已致爵者以上篇已獻尸故此不待三獻又見饋尸禮殺故早致也 主婦設二劍與糗修如尸禮如尸禮如獻尸之授受奠設也

右主婦致主人設薦

主人共祭糗修祭劍祭酒受豕七滫拜啐酒皆如尸禮嘗劍不拜皆如尸禮通謂祭糗修以下及受羊七滫以下凡祭齊啐之屬○注曰主人如尸禮尊也其異者不告旨疏曰按前文主婦獻尸尸坐啐酒左執爵嘗上劍執爵以興坐奠爵拜則拜在嘗劍之下嘗劍有拜而此則嘗劍不拜者彼拜雖在嘗劍下賓因坐啐酒不與即嘗劍嘗劍訖乃興拜其拜仍為啐酒是以特牲少牢尸嘗劍皆不拜也愚按正祭凡嘗劍皆不拜饋尸則尸拜者尸就卑也主人

于主婦則尊矣故不拜也又主人受豕七滫拜如尸禮獨嘗劍則不拜明其禮殺也按經文甚明蓋誤其受豕香受豕燔亦如尸禮坐卒爵拜主婦北面答拜受爵如尸禮通如尸受其羊燔之禮也 右主人各祭訖卒主婦致爵

尸降筵受主婦爵以降主人降侑降主婦入于房主人立于洗東

北西面侑東面于西階西南尸受爵將酢主婦也立于洗東北俟尸洗也疏曰此內有三節尸酢主婦

婦贊者設薦一也司馬設羊俎二也次賓羞羊燔主婦乃卒爵三也主婦受與侑同三而主人受與尸同五者尊卑差也 尸易爵于篚盥洗爵主人揖尸侑主人升尸升自西階侑從主人北面

立于東楹東侑西楹西北面立易爵者男女不相襲爵也揖揖升也主人揖者婦從夫也立于東楹

東俟尸尸酌主婦出于房西面拜受爵尸北回于侑東答拜拜則出禮

也拜即入嫌也 主婦入于房司宮設席于房中南面主婦立于席西注曰設席



者主婦亦尊也疏曰賓長以下皆無設席之文唯主婦與主人婦  
 同席故云主婦尊也特牲士禮及下大夫王婦設席亦如之婦  
 贊者薦非菹醢坐奠于筵前菹在西方婦人贊者執饔餼以授婦  
 贊者婦贊者不興受設饔于菹西蕢在饔南注曰婦人贊者宗婦  
 之少者也疏曰按特  
 牲記宗婦北堂東面北上注云宗婦族人之婦其夫于所祭為子  
 孫者是也此贊乎婦贊者故云宗婦之少者也愚按婦人贊者以  
 授婦贊者蓋婦  
 人贊者又降矣

右尸酢主婦婦贊者設薦

主婦升筵司馬設羊俎于豆南主婦坐左執爵右取菹換于醢祭  
 于豆間又取饔餼兼祭于豆祭主婦奠爵興取肺坐絕祭臍之興  
 加于俎坐挽手祭酒啐酒挽悅同○注曰挽手于悅內則  
 云婦人左佩紛悅悅佩巾也次賓羞  
 平燔主婦興受燔如主人之禮如主人受  
 尸酢也主婦執爵以出于房西

面于主人席北立卒爵執爵拜尸西楹西北面答拜注曰面主人  
 者出房卒爵  
 宜鄉尊也立不坐者變于主人也執爵拜者變于男子也疏曰上  
 主人受酢坐卒爵故云變于主人凡男子皆奠爵乃拜故云變于  
 男子  
 也 主婦入立于房尸主人及侑皆就筵

右主婦各祭訖卒尸酢爵

上賓洗爵以升酌獻尸尸拜受爵賓西楹西北面拜送爵尸奠爵

于薦左賓降注曰賓長謂之上賓以將獻異之或謂之長賓也奠  
 爵猶爵止也疏曰尸不舉者三獻訖正禮終欲使神

惠均于在庭徧得獻乃舉之故後文主人獻衆賓以下訖乃作止  
 爵也特牲禮尸在室始行三獻夫婦未行致爵尸即止爵欲神惠  
 之均于室此儻尸禮尸在室已行三獻及儻尸在堂夫婦又行致  
 爵尸乃奠爵欲神惠之均于庭故與正祭者異也上賓為賓長者  
 上文賓長訖年俎是也以將獻異為上賓者言長尊稱輕言上尊  
 稱重也或謂之長賓者少牢禮云長賓洗爵獻于尸不儻尸禮亦  
 云長賓是也奠爵猶爵止者特牲云賓三獻  
 如初燔從如初爵止是也不儻尸者亦然



右賓長獻尸尸奠爵

主人降洗爵尸侑降主人奠爵于篚辭尸對卒洗揖尸升侑不升

注曰侑不升尸禮益殺不從也主人實爵酬尸東楹東北面坐奠爵拜尸西楹西

北面答拜坐祭遂飲卒爵拜尸答拜主與尸皆猶獻時之北面降也但自此侑更不從耳

洗尸降辭主人奠爵于篚對卒洗主人升尸升注曰降洗者主人將酬尸也主

人實爵尸拜受爵主人反位答拜尸北面坐奠爵于薦左奠爵于薦左猶

上意也○疏曰此獻尸酬尸尸奠于薦左不舉也按下一二人舉解于尸侑侑奠解于右注云奠于右者不舉凡神惠右不舉變于飲

酒也與此不同者下不償尸及特牲皆不酬尸此由償尸與賓客飲酒無異故有酬而異于下經侑奠于右神惠右不舉也

右主人酬尸尸奠爵

尸侑主人皆升筵乃羞注曰羞以盡歡心也疏曰二羞償尸用之故云盡歡心思按升筵不言主婦者統于

主人省宰夫羞房中之羞于尸侑主人主婦皆右之司士羞庶羞

于尸侑主人主婦皆左之注曰房中之羞其籩則糗餌粉糈其豆則醢食糝食所謂內羞也庶羞則羊臠

豕臠皆有醢醢矣內羞在右陰也庶羞在左陽也疏曰按周禮籩人職羞籩之實糗餌粉糈注云二物皆粉稻米黍米為之合蒸曰

餌餅之曰糈糗者擣粉熬大豆也為餌糈之黏著以粉之餌言糗

糈言粉互相足也又醢人職羞豆之實糝食醢食注云醢糝也內

則取稻米舉搔漉之小切狼臠膏以與稻米為糝取牛羊豕之肉

三如一小切之稻米二肉一合為餅煎之為糝也又按王制庶羞

不踰牲注云祭以特牲則不以牛羊為羞祭以少牢則不以牛為

羞內則羞用三牲者據得用大牢者言之若不用大牢則無牛不

用少牢又無羊矣按公食大夫禮牲皆臠及炙及醢今注云羊臠豕臠皆有醢醢不言炙者公食大夫是食禮故庶羞並陳此償尸

是燕禮主人獻尸皆羊燔從主婦獻尸皆豕燔從酬賓後司士羞庶羞則止有羊臠豕臠豕臠而巳以燔炙前巳從獻也主人降南面拜眾賓于門東三拜眾賓門東北面皆答壹拜賓賤純臣禮也

右羞尸侑主人主婦各羞



主人洗爵長賓辭主人奠爵于篚與對卒洗升酌獻賓于西階  
長賓升拜受爵主人在其右北面答拜不言降洗辭降省文也宰夫自東房

薦脯醢醢在西司士設俎于豆北羊幣一腸一胃一切肺一膚一

注曰羊幣謂羊左幣也上賓止一體賤也薦與設俎者既則俟于西序端疏曰按鄉飲酒司正升受酬者降席司正退立于序端則先事既設後事未至退立之位當在序端知此時不降者下文賓執祭以降宰夫執薦以從司士執俎以從無升文明此不降退立于序端也賓坐左執爵右取脯換于醢祭之執爵與取肺坐祭之祭酒

遂飲卒爵執以興坐奠爵拜執爵以興主人答拜受爵答拜又言受爵明將

獻衆賓坐取祭以降西面坐委于西階西南注曰成祭于上尊賓也取祭以降反下位

也委于西階西南已獻尊之也祭謂脯若肺也疏曰初位在門東今得獻則反西階西南與主人相對故云已獻尊之也

右主人獻賓長

宰夫執爵以從設于祭東司士執俎以從設于薦東衆賓長升拜

受爵主人答拜坐祭立飲卒爵不拜既爵祭東祭肺東也其禮拜祭飲亦如賓長但不拜

卒爵也○注曰衆賓長升者以次升受獻也疏曰知受獻必以長幼之次者下文云宰夫贊主人酌若是以辯是以長幼之次受獻也

宰夫贊主人酌若是以辯辯音徧下同○贊者主人每獻一人

拜受祭飲之屬而不拜既爵也辯受爵其薦脯醢與齊設于其位其位繼上賓而

南皆東面其齊體儀也此即其辯受爵時之位饌申之也○注曰徧獻乃薦畧之也其薦與齊亦如獻賓時

宰夫薦司士齊也儀者尊體盡儀度餘骨可用而用之也尊者用尊體卑者用卑體亦有切肺若膚也疏曰徧獻乃薦謂若燕禮三

卿已上得獻即薦大夫則徧獻乃薦也凡言儀取尊卑得其儀也且尊體既盡就卑體之中度尊卑之儀而用之尊者用尊體卑者用卑體而已按特性用離肺知此衆賓用切肺若膚者以其備用切肺不敢殊于尸明衆賓亦不敢殊于侑也愚按注謂徧獻乃薦非也以後徧獻兄弟章推之此乃申辯受爵時之位饌甚明豈先徧獻而後薦設乎儀者言其微末足以備儀而已注謂儀度而用



傳禮  
之亦  
曲矣

### 右主人徧獻眾賓

乃升長賓主人酌酢于長賓西階上北面賓在左主人坐奠爵拜  
執爵以興賓答拜酢者賓酢主人也言酌酢于長賓者長賓將酢主人而辟不敢親故主伸其意也○注曰主人酌自酢者序賓之意賓卑不敢酢也疏曰特牲主人獻長賓訖不待徧獻即酢此則徧獻乃酢者主人益尊先徧獻自達其意也特牲主人獻內賓辯乃自酢注云爵辯乃自酢以初不殊其長也則此大夫尊初則殊其長故也坐祭遂飲卒爵執爵以興坐奠爵拜賓答拜賓降言奠爵明有受奠于篚者也凡奠言奠于篚者皆虛爵也今虛爵言奠爵不言受奠者省文也詳見下文○注曰降反位也

### 右長賓酢主人

宰夫洗解以升主人受酌降酬長賓于西階南北面賓在左主人

坐奠爵拜賓答拜坐祭遂飲卒爵拜賓答拜

注曰宰夫洗解升授主人則前受其虛爵

奠于篚也疏曰知然者上文主人奠爵拜賓降主人無降之文今宰夫即洗解升授主人受之明上文主人所執虛爵宰夫受奠于篚可知主人洗賓辭主人坐奠爵于篚對卒洗升酌降復位賓拜受

爵主人拜送爵賓西面坐奠爵于薦左

亦如賓獻尸主

### 右主人酬賓賓奠爵

主人洗升酌獻兄弟于阼階上兄弟之長升拜受爵主人在其右答拜坐祭立飲不拜既爵皆若是以辯主人在右猶賓在左也○注曰兄弟長亦立飲大夫之兄弟賤不別也宰夫不贊酌者兄弟親不以官待之也疏曰按特牲獻長兄弟于阼階上如賓儀者士與長兄弟為貴故如長賓之儀坐飲且拜卒爵也至于大夫貴兄弟賤不得如賓儀故長幼皆立飲不拜既爵也上文主人酌獻賓使宰夫贊酌今酌獻兄弟不使宰夫贊酌者大夫之賓貴故以官辯受爵其位在洗東西面待之兄弟是親昵故不以官待之也



北上升受爵其薦胥設于其位。此亦即其辯受爵之位饌申之也。注曰亦辯獻乃薦也既云辯矣

復言升受爵者衆兄弟升不拜受爵先著其位于上後云薦胥設于其位明位初在是也位在洗東不繼于主人者卑不統于尊也

此薦胥皆使私人疏曰按特牲主人卑故兄弟助祭之位得繼主人于阼階下此以大夫尊故兄弟之位不在洗東不繼主人也上獻

賓長及衆賓使宰夫設薦司士設俎又使宰夫贊酌至于獻兄弟爲親昵不以官待之明使私人薦胥可知也愚按使私人薦亦無

明文考獻私人亦如衆賓長以官待之獻內賓亦如兄弟不以官待之皆親疏之別也以下文推之可見偏獻乃薦辯見上文其

**先生之胥折脅一膚一其衆儀也。**先生長兄弟也折豕左肩之折其承長兄弟之下知非先生教人者也知折是豕左肩

之折者侑俎豕左肩折注云折分爲長兄弟俎是也

**右主人徧獻兄弟**

**主人洗獻內賓于房中南面拜受爵主人南面于其右答拜坐祭**

**立飲不拜既爵若是以辯。**猶在右也但南面異矣。注曰內賓姑姊妹及宗婦也獻于主婦之席東而不

西面者主人尊不與爲賓主禮也南面于其右主人之位恒左人也疏曰知內賓是姑姊妹及宗婦者約特牲記而知也按特牲獻

內兄弟于房中如獻衆兄弟之儀主人西面答拜此大夫禮主人南面拜是不與爲賓主之禮也左人謂人在主人左也若鄉飲酒

鄉射等北面則主人在東賓在西此南面則主人在西賓在東故云恒左人也

**亦有薦胥。**注曰亦設薦胥于其位也特牲

禮記云內賓立于房中西階下東面南上宗婦北堂東面北上疏曰云亦設薦胥于其位者亦上衆賓及兄弟等也引特牲記者欲

見內賓設薦之位也

**右主人徧獻內賓**

**主人降洗升獻私人于阼階上拜于下升受主人答其長拜乃降**

**坐祭立飲不拜既爵若是以辯。**降乃祭飲賤也。注曰私人家臣已所自謁除也大夫言私人不純

臣也士言私臣明有君之道也疏曰謁除謂謁請于君除任之也大夫尊近于君故屈已之臣各爲私人士卑不嫌近君故得名爲

私臣也**宰夫贊主人酌主人于其羣私人不答拜。**與答其長拜者異也**其位繼**



兄弟之南亦北上亦有薦齊亦申言其位饌也。○注曰繼兄弟而北上不敢專其位也。兄弟之位在洗東西面北上今繼兄弟之南其位亦北上與兄弟位同故云不敢專其位也

右主人獻私人

主人就筵尸作三獻之爵注曰上賓三獻之爵也不言三獻作者賓尸而尸益卑可自舉也疏曰云不言

三獻作之者對特牲三獻作止爵故決之也作其爵者以神惠均于庭訖終欲使尸飲此酒也自此以下有四爵尸作三獻之爵一也獻侑二也致爵主人三也受尸酢四也愚按注謂償尸而尸益與故自作爵也其說蓋非下大夫不償尸尸亦自作爵也此但大夫禮與司士羞清魚縮執俎以升尸取膾祭祭之祭酒注曰不羞士異耳卒爵司士縮奠俎于羊俎南橫載小味也羊有正俎羞七清肉清豕無正俎魚無七清皆殺也

于羊俎卒乃縮執俎以降尸奠爵拜三獻北面答拜

右尸卒三獻爵

受爵酌獻侑侑拜受三獻北面答拜亦北面拜者司馬羞清魚一

如尸禮卒爵拜三獻答拜注曰獻侑使司馬羞魚變于尸敖氏曰按經司馬當作司士蓋字之誤上下皆

司士為之此不宜使司馬且司馬惟主羊俎羞魚非其職也愚按前尸侑羊俎並司馬設無變也敖說是

右三獻獻侑

受爵酌致主人主人拜受三獻東楹東北面答拜疏曰賓當在西階今在東

楹之東者主人席在階是也司士羞一清魚如尸禮卒爵拜三獻以賓于東楹東就拜之也

答拜受爵如尸禮如其祭拜之屬也

右三獻致主人

尸降筵受三獻酌以酢之注曰既致主人尸乃酢之遂賓意也疏曰賓雖不言其意欲得與主人行獻酢

之禮今見致爵于主人訖尸方酌以酢賓是遂達賓之意也三獻西楹西北面拜受爵尸在其



右以授之尸升筵南向答拜在其右親授尸彌卑也坐祭遂飲卒爵拜尸答

拜執爵以降實于筐執降者三獻也

右尸酢三獻

二人洗觶升實爵西楹西北面東上坐奠爵拜執爵以興尸侑答

拜注曰三獻而禮小成使二人舉爵序殷勤于尸侑也疏曰云小

或者其後仍有舉奠加爵等乃禮之大成也云使二人舉爵序

殷勤于尸侑者飲酒之禮酬與無算爵乃盡歡心也按鄉飲酒鄉

射持牲等皆一人舉觶為旅酬之始二人舉觶為無算爵之始今

儋尸乃以二人為旅酬始者以初時主人酬尸尸奠之侑未得酬

今使二人舉觶因尸及侑侑乃亦奠一爵而尸之一爵遂得以酬

于下也凡旅酬皆從上發尸為首故特牲洗升酌反位尸侑皆拜

等一人舉觶為旅酬而此大同小異也受爵舉觶者皆拜送侑奠觶于右注曰奠于右者神惠右不舉也

右二人舉爵尸侑侑奠觶

尸遂執觶以興北面于阼階上酬主人主人在右此以下明尸酬

尸拜于阼階上者酬禮殺也疏曰按上文尸酢主人主人東楹東

北面拜受爵尸西楹西北面答拜是各拜于其階今尸酬主人同

拜于阼階故云殺也坐奠爵拜主人答拜不祭立飲卒爵不拜既爵此尸酬

導飲也酌就于阼階上酬主人主人拜受爵尸拜送此尸既自導飲

也注曰言就者主人立待之也酬不奠者急酬也尸就筵主人以

也疏曰酬不奠者對上主人酬賓奠觶而言也酬侑于西楹西侑在左此以下明主人酬侑也酬侑于

西楹西猶酬主于東階上也坐奠爵拜執爵與侑答拜不祭立飲卒爵不拜既爵此主酬侑而酌復位侑

拜受主人拜送言酌復位明投侑于西階與尸授主主人復筵乃

升長賓侑疇之如主人之禮至于眾賓遂及兄弟亦如之皆飲于

上此主酬侑而侑因以酬長賓其下遂皆遞差以相酬也○注曰

言升長賓則有贊呼之也上西階上也疏曰若不有贊呼之則

望



當如上文眾賓長升兄弟之長升也愚按皆飲于上通承上文之詞尸酬主人主人酬侑侑酬賓賓酬兄弟皆飲于上自此兄弟酬私人飲于下而主婦酬內賓遂及宗婦皆飲于房遂及私人拜受中矣內賓不言酬者蓋不與男子旅酬之列故與

**者升受下飲卒爵升酌以之其位**  
人之往也○注曰升受下飲者私人之長拜于下升受兄弟之爵而仍下飲之也其位兄弟南之位疏曰兄弟位在洗東私人位在兄弟之南今言下飲則私人之長一人在西階下飲之其餘私人皆飲于其位下經云卒爵升相酬辨卒飲者實爵于篚注曰末受酌以之其位相酬徧是也

旅酬故實于篚也

**右上下徧行旅酬**

**乃羞庶羞于賓兄弟內賓及私人**

注曰但有庶羞而無房中之羞賤也內賓亦同時羞則房中亦旅矣蓋其始主婦舉酬于內賓遂及宗婦也疏曰云房中亦旅者旅酬及私人之後乃羞庶羞而內賓羞在私人之上私人得旅酬則房中內賓亦旅酬可知也

**右羞賓兄弟內賓私人**

**兄弟之後生者舉觶于其長洗升酌降北面立于阼階南長在左**

**坐奠爵拜執爵以興長答拜**  
注曰後生年少者也古文觶皆為爵延熹中詔校書定作觶長在左避主人也疏曰凡獻酬之禮若北面則主人在東人在西今長兄弟北面而在左則在西矣是避主人也愚按特牲禮主人北面酬賓賓在左並拜兄弟弟子舉觶于其長儀亦然今少牢禮並同也彼長兄弟在左雖非賓亦如賓然何云避主人

**卒爵執爵以興坐奠爵拜執爵以興長答拜**  
卒爵兄弟長亦答拜者雖尊禮不廢也

**洗升酌降長拜受于其位舉爵者東面答拜爵止**  
注曰拜受答拜不北面者亦儻

尸禮殺也長賓言奠爵于薦左長兄弟言爵止互相發也皆言相待也疏曰按特牲兄弟弟子賓弟子舉觶于長為旅酬與無算爵凡其拜送皆北面而此乃東面故云儻尸禮殺也言奠爵言爵止皆為相待者此兄弟舉觶于長爵止然後賓及兄弟私人之屬交錯其酬所謂爵無算也若上文二人舉觶于尸若侑奠不舉然後尸酬主人主人酬侑侑酬長賓及于眾賓及兄弟以及私人次第



行徧不至交錯則所謂旅酬也故待之也愚按此後生舉觶于長兄弟之禮並同特牲其位卽是上北面之位注疏疎也所異者特牲士禮旅酬訖賓弟子及兄弟弟子各舉觶于長以行無算爵之禮今少牢大夫禮則旅酬訖惟兄弟後生舉觶不及賓弟子而賓長乃又獻于尸耳所以然者彼士禮不僨尸故皆舉觶于長爲無算爵此大夫禮僨尸故賓長又舉爵于尸乃遂之于下也

### 右後生兄弟舉觶長兄弟

賓長獻于尸如初無滯爵不止

注曰賓長衆賓之長次于上賓者非卽上賓也無滯爵不止別不如

初者也不使兄弟不稱加爵不用觶者大夫尊也疏曰上賓獻侑致爵于主人皆有滯魚今無滯魚故經特云無滯上賓獻尸莫爵于薦左待獻堂下畢乃舉觶今尸不止爵故又特云爵不止也上賓本賓長以將獻異其文爲上賓此不異其文明非賓長故注云衆賓之長次于上賓也特牲云長兄弟洗觶爲加爵又云賓長爲加爵此但使賓長不使兄弟又但云獻于尸不稱加爵但云爵不云觶故云大夫尊也愚按觶爵對文則異散文則通經洗觶亦稱加爵則爲通稱可見非爲大夫尊故用爵也凌氏謂此爵當用觶不言洗觶文省耳不僨尸禮放此賓一人舉爵于尸如初亦遂之于下注曰賓一人又次于

賓長者也如初如上文洗觶之屬亦遂之于下者遂及賓兄弟下至于私人徧飲亦如之也疏曰此舉爵更爲旅酬如上旅酬之儀但前二人舉此一人舉爲異耳其徧飲亦從上至下故云亦遂之于下也愚按又行旅酬而乃及無算爵者旅酬以差猶禮也無算爵不以差則情也禮恐不及故達之情恐有餘故節之

### 右次賓長獻尸更行旅酬

賓及兄弟交錯其酬皆遂及私人爵無算

注曰長賓取觶酬兄弟之黨唯已所欲無有次第之數也

### 右賓及兄弟錯酬無算爵

尸出侑從主人送于廡門之外拜尸不顧

疏曰尸侑賓也孔

拜侑

與長賓亦如之衆賓從

注曰拜尸及侑并及長賓也衆賓從者不拜送也

司士歸尸侑之

俎尸侑尊送其家也

主人退有司徹

注曰退反于寢也徹者徹凡堂上下之薦俎也必言有司徹者外賓尸雖



堂上婦人不徹也。疏曰：堂上尸侑之薦俎，堂下賓及兄弟之薦俎也。按：特牲宗婦徹祝豆籩入于房，徹主婦薦俎，而此少牢則不云宗婦徹，但云有司徹者。注云：為將饋尸，使有司徹之也。是外之也。又下大夫不饋尸之禮，有司官徹饋，改饌于室西北隅為陽厭。至禮終，則婦人徹室中之饌。注云：徹祝之薦及房中之薦，不使有司也。則陽厭有司饌之，婦人徹之外內相兼。此堂上賓尸猶堂內之陽厭，嫌婦人亦徹之。故云：雖堂上婦人不徹，明亦異于下大夫之陽厭也。

### 右禮終歸俎



